


内閣文庫	
番號	漢 9555
冊數	8 (1)
函號	299 254



左氏兵法測要敘

今天下多事緩急少依賴之人或以

爲文武之途分故不盡人才之用然

非

國制之失也洪武中有司請立武成王

又

淺草文庫

廟

聖祖

諭之以文武之道本出於一合則人
才盛分則人才衰遂罷武成廟不立
也豈不以養成于學較漸之以經術
如羆如虎之士惟我所用之哉沿至

今日習韜鈴之言者以其言爲羔鴈
薦寵於公卿間一旦授以事任不旋
踵敗去以故恒以談兵事爲諱諱而
不習文武之途遂判士大夫可與從
容不可與兵革其蔽見於此矣是何

余
不觀于春秋之事乎晉文之擇帥也
爰舉卻縠以其悅禮樂而敦詩書也
而於時刻國亦多得人故入則爲卿
出則爲帥一人而二事兼焉不別求
材也至于司馬軍尉之屬皆慎其選

於是魏絳羊舌父子終身其間故軍
無秕政所向成功及至後世別流以
處之分銓以序之文事武備離而爲
二而古意衰矣上木宋子博學潔修
士也著左氏測要一書予從 睂公

先生處受而讀之則問語陳先生曰
古之立言者或功成而後垂之爲書
或著書而未必能見其功夫以宋子
之才卽連舉不第年齒僅踰立耳未
爲不遇也要何途不可致乃章章以

談兵自處耶陳先生曰宋子之爲此
也非以自炫鬻也夫躬耕讀書若徐
宋二子者安往不得貧賤要以四郊
多壘士人與其工于鞞悅爲雕繪之
學孰若與同志之朋講求切要援古

證今因勢立志則空談何必非實事
宋子卽未能見諸施行乎要以公其
書于天下自當有所裨益此則宋子
之志矣因相與歎曰不私其所見不
避其所難宋子君子也其書斷然不

可廢矣使

國家異日收文武之用者其在斯編歟
其在斯編歟

襄西友人方岳貢題

其五 漢書 卷之八 武帝本紀
 其六 漢書 卷之九 宣帝本紀
 其七 漢書 卷之十 元帝本紀
 其八 漢書 卷之十一 成帝本紀
 其九 漢書 卷之十二 哀帝本紀
 其十 漢書 卷之十三 平帝本紀
 其十一 漢書 卷之十四 王莽本紀
 其十二 漢書 卷之十五 光武本紀
 其十三 漢書 卷之十六 明帝本紀
 其十四 漢書 卷之十七 章帝本紀
 其十五 漢書 卷之十八 和帝本紀
 其十六 漢書 卷之十九 安帝本紀
 其十七 漢書 卷之二十 順帝本紀
 其十八 漢書 卷之二十一 沖帝本紀
 其十九 漢書 卷之二十二 廢帝本紀
 其二十 漢書 卷之二十三 獻帝本紀

左氏兵法測要序

管之言兵者皆本左氏予讀其書見叙
 列戰功與師之曲直而已非有陰謀深
 策若孫吳家言可以為法者也而善師
 者顧祖之何與予於上木測要之編而
 知其略矣周室缺微諸侯力政未遠仁

義故趙衰之謀郤穀曰說禮樂而敦詩
書救災恤患師必有成足高心蕩不待
能者而知其覆亾之將至矣當時齊秦
晉楚諸國無歲不用兵而帥乘輯睦諸
侯畢從則其驗也今慷慨之士蘊伏草
莽天下事無敢言者薦紳先生恥談兵

革擐甲冑而典封疆又皆不習成敗之
故興廢之繇若古之名將能制勝也上
木取左氏已成之法而參伍後事凡遠
近離合勞逸多少之數無不備具昭然
可行而復也豈與夫不習已事而好言
縱橫之術者比乎且言兵者未必能用

用其言者未必卽效。更以爲罪焉。孰如
前後相引順之則勝。違之則敗。可燭照
而覩。若上木是編之詐而白也。夫兵之
不善訓練失也。若鄭之二拒楚之兩廣
晉之三軍三行進退截如矣。以言乎軍
寔則楚之授子晉之伐木及與豫異矣。

以言乎設竒致敵則若祝聃之禦戎也。
嘗而去之爲覆以待之。魏舒之毀車以
及狄也。爲五陣以相離克之于阨。是皆
可行者矣。而更有時事之可援者。二晉
隨會之爲中軍也。盜皆入秦。今流入半
天下。兵不尾賊。反收賊之棄。以爲厚利。

焉可慮也。河曲之戰士，曾在秦。知晉之實，晉人患之。楚材晉用，楚是以燔。今我叛將皆爲奴用，而又棄屬國與屬夷焉。幸其不來，以爲固，是可恃乎？不可恃乎？予年長矣，不爲世用，偃臥蓬藿，無復從軍之氣。上木雖困公車，然不久將大用。

於世用繫虜，內弭盜，以是盡驗也。豈曰苟取富饗，以自娛樂軍旅之事，未之學也哉？予以測上木之志，與其用矣。丁丑仲冬，同里盟第周立勳序。

中... 也若... 昔... 然... 用... 藥... 毒... 富... 賢... 也... 若... 不... 以... 限... 至... 本... 也... 本... 也... 其... 用... 矣... 下... 矣... 昔... 取... 富... 賢... 也... 若... 不... 以... 限... 至... 本... 也... 本... 也... 其... 用... 矣... 下... 矣...

左氏兵法測要叙本之書其立本也五其變

左氏兵法測要者我友宋子尚本因舊史論
得失審形勢觀世變以窮兵械之本乃引經
立政之書非特權謀之用也春秋以來言兵
之家不可勝數然大要虛設機勢以為無方
之應未嘗節比以驗之於事曰彼固無常形

與常說也。至唐杜君卿始依孫吳證往事而
其後則宋仁宗之祕略以至曾公亮丁度楊
肅之徒咸集史冊之遺文爲權家之龜鑑可
謂備矣。然其體每以類相從而未能旁引曲
譬推見未然以極於變化異同之際是故存
焉而弗尊。今觀尚木之書其立本也正其釋

義也。詳其設慮也微其觸類也廣。或古人所
已成之事而代爲之勝算。或古人所未及之
思而推之於必然。使人讀其書雖天下之至
懦弱者莫不欣然。息一奮其智則世之知兵
而善用孰有踰此者乎。然則何以必左氏也。
世稱左氏好談兵。非左氏之好談兵。而春秋

之賢士大夫皆能爲兵也且兵法之變春秋
始也前此無知兵者乎曰有之而不能及也
卽無論黃帝蚩尤之屬而胤之征南巢之役
牧野商奄之駕申約束布大義而已其設奇
用間之方未之備也後此無知兵者乎曰有
之而非所尚也七國牲牢其民而有技擊武

卒銳士虎賁之號使民以殺戮爲爵賞其所
爲將者非羈旅之險夫則凶殘之悍士於國
家非有骨肉係屬之義其人非有詩書禮樂
之澤也是故斬首或以十萬計坑卒或以四
十萬計生民之禍烈矣夫軍事莫密於治兵
莫重於任將治兵必損益古法以叅酌時制

使法度有所定而耳目有所新則繁簡多寡皆了然得我所以制勝之具任將必我之腹心大臣剛毅而有盛德寬大而有智勇者然後所向而成功功成而民以安國以靖嗟乎兵法之日變此春秋之異於先王也任將之不失此春秋之同於先王也夫十二國竝立

五霸迭興鬪智角力則於兵制不得不有所變故魯之丘甲齊之叅國晉之六軍楚之二廣若敖申息之屬秦之三軍陷陳凡此皆非古制也而各有善用之道春秋之君欲知人之賢否而決其勝負必驗之於治兵是以兵精而其戰也亦不能寡殺至於命將則國之

三卿與諸大夫而已夫魏犢狼曠之流天下
之至勇也而未嘗將也仁而好禮戢下而附
上則元帥之材也是故大者以強小者以存
然則不倍先王之教而可爲後世之用者舍
左氏誰與歸哉不然尙木奚取焉夫兵之必
不可泥於井田也將之必不可屬於鄙人武

士也三代以後皆然矣三代以後稱盛者莫
如漢而漢之治則王霸雜此卽春秋之所爲
治也而儒者之言曰霸術必不可用夫孔子
生三代之前而不能廢霸矣何儒者於三代
之後而獨能廢之甚矣其誇而無當也今

國家休德纍葉上繼周漢而內訌外決莫之所

措何哉擁兵百萬而不能設法以治之士大
夫不能專將而屬於麤悍之人也尚木慨然
發憤以兵爲必可用而薦紳之家每以爲諱
尚木解之曰安敢以爲子大夫憂非必
親桴鼓冒矢石也非是而退不肖則本端矣
奉公而執法則威立矣潔已而卹下則民固

矣扶弱而救災則隣懷矣機敏而辭辨則敵
畏矣今之兵弱而武弛者非皆封疆之罪也
數者之無一焉足恃也故其爲書凡數者之
得失皆諱著焉而一本於兵事旨哉言乎嗟
乎當今不乏賢士大夫矣縱不能親桴鼓冒
矢石也其爲管敬仲之修政趙成子之推賢

隨武子之謀身公孫子美之交隣魏莊子之
靖國乎讀尚木之書而憬然有志於斯者予
願爲執鞭矣

同邑友弟陳子龍題

左氏兵法測要序

余之爲諸生老矣上木亦數上公車數不用
旣自相語曰今天下蓋多事矣然其時尚可
爲失今不爲後且有十百難於此者徒恨不
能以其私議通於薦紳先生間雖我二三兄
弟在仕籍者則亦以我兩人爲狂嘗不能畢
其說也顧時之所急無甚於兵卽欲強默如

藿食之憂何上木乃取左氏之言係兵事者
博以古驗叅以今指予受而點次之時亦以
已意相出入也既成上木請序言焉余惟子
瞻之論孫子也謂其書十三篇雜然言之而
聽用者之自擇也今上木之書其亦雜然言
之者乎其亦有大指所在言之重複而使人
得其切用以濟國事者乎

無方制勝於兩陳之間者隨其勢而導之耳
若夫當今所急蓋有五者余於左氏得五言
焉誠能盡用此五言內奠乞活外撻建夷在
指顧之間矣其說在郤克之請車乘也在子
產之論治國也在欒武子之論楚師也在魏
絳之論和戎也在晉人使巫臣通吳以制楚
也今之談者以兵力不足爲憂議欲朞月宿

糧聚十餘萬甲士一鼓而殄群寇夫糧非可
卒辦甲士非可卒聚此朞月以前能使吾民
忍歿以待天兵之來乎且將之能者不必用
衆用衆者未必能辦事徒以不足爲解免地
耳郤子伐齊與之城濮之賦而乃求益焉郤
子自以爲不能故請益車乘然則用衆非良
將法也賊寇所在縱橫我兵尾而衛之恣取

掠耳縱賊不擊其弊坐此夫使紀律不嚴官
軍殺我其毒已甚何用討賊乎且盜非有雄
志也兵非素擅廢立若唐季之事也如使嚴
爲約束曰行省自守其地使寇得入境有誅
將帥各部其卒伍掠一物者有誅如此有縱
賊之罰無緩寇之利子產之言曰火烈則人
鮮歿焉水弱則人多歿焉以此治盜度可不

日平也京營之卒內以備禦外以討伐我朝固嘗用之矣沿習至今汰之不可練之不能一旦有事何以待之且其為制或合而分或分而合所以新耳目便揀閱也可不為之變計乎欒武子之言曰楚君之戎分為二廣右廣初駕左則受之各當其序以備不虞故能定霸今訓練之法日弊而為城郢之計此奸

人所以生心也曩時三衛為我藩籬時以虜之出入告我我得為備至於

穆廟初年大虜解辮內向邊人無事今者奴寇

既劇而順義部落烏散矣不撫之為我用而拒之為我敵使奴得聯屬內外諸部以逞志於我豈完策乎魏絳之言曰和戎有五利晉用其謀邊鄙輯睦今夷部猶在宣雲之間招

攜其族類以爲我屏蔽效可睹也麗人之奉
正朔無虔於此者

神

廟以數年之力存而復之今者爲奴所乘而
我未有以爲援也蓋以少出師不足以爲重
而多出師則非力所及也然亦當事者之失
計矣漢武不憚封侯之賞以募使絕域者何
也伐交之策也我縱未有以爲援且當募博

望定遠之流與之一節以

朝

命慰勞其君臣而因監其軍使彼猶有所繫
而不至折而爲奴屬管者吳至弱國也巫臣
通晉於吳而楚人始罷於奔命故通麗者所
以制奴也此五言者余以爲切今之奇也行
前之三言以治內行後之二言以制外天下
其庶可爲乎若夫奇正之方變合之勢心知

其然而不能道之卽強爲一言自非機鑿不
惑之士固未能審取舍定猶豫也上木能言
之亦惟上木能用之哉余無用於世矣將買
田而隱焉諸葛司馬或出或處所見正同也
而亦至哉而同罷友弟徐孚遠題

序

天

天子下明詔頒郡國習孫吳之書嫻騎射之事
蓋憤憤於天下之大而知兵者鮮也予等數
人遂作兵家言呂應之維崑宋子上木獨銳
意學射射成謂我輩無橫草之功方恨恨耳
奈何呂韜鈴之雄供書生家臆說乎予輩強

宋子至冉宋子竟亦不應也未幾上木上公
車不第呂歸慨然無聊因弁閭公輩坐歎終
日互益智笑鏡古準今援嘗度變講求戰陣
奇正之方推原前制損益之用取左氏論斷
之不三月而測要成此左測所爲作矣夫左
氏于列國征伐戰攻之事不過紀載耳夫天
下一統不可呂稱敵中國與夷不可以稱敵

不稱敵者不可以爭長故設奇用間莫備於
春秋謂其宐於稱敵也其時卿大夫與國君
咸耻敗而惕亡故勝而能下有聽其盟而反
者矣敗而能復有隨用其人呂成功者矣今
始不知惕終不知耻此一異也古者患無其
人有其人矣患其在敵而不歸我如隨會之
在秦賈季之在翟趙孟呂爲深憂今何患乎

敵而自犄之弱者驅之死強者驅之叛此又一異也古者患未有命令既有命令矣則違之曰爲悖遵之曰爲順如穰苴之斬莊賈非景公意也然公竟不得曰專擅之皐皐之今者不從上之命令而從上之意曰爲敢于用者法是而意非則身危不敢于用者法非而意是則身安庸人豈肯樂危而惡安哉吾知

其必不然矣此又一異也古者將帥選選敦詩書說禮樂然城濮之戰樂枝使輿曳柴而僞遁晉師陳于莘北胥臣蒙馬曰廂皮此豈詩書禮樂之所有乎今主者每不足於賢佐者每不足於仁其於不擾民不多殺士卒之道守之者寡矣第二十年來縱寇養患又何其仁而不暴有儒者之德也此又一異也古

今之異不可勝指要曰宋子之參驗徐子之
裁斷無不備焉宋子豈敢自居于知兵哉固
未離乎廉讓智勇體國愛民之意也願與賢
士大夫交勉之而已

同郡友弟彭賓燕又氏題

左氏兵法測要敘

君子之功有立其文以俟乎實之以事者有
刻其事以俟乎起之以義者左氏非言兵之
書其載刻國戰爭必詳而辯蓋于時田賦之
制未盡亾而疆場之任非如後世委之武人
悍將類出于卿大夫負英決之才擅閎通之
譽苟如後世各君一國空坑卒夷城之事日

有書矣。然終春秋之世，兩兵相接，僅二十有三。廼知深機隱智，皆豫定于掌上。未戰屈人，而不在兩陳之間也。卽大勢奔北，猶或一軍幸全，何則？其講於蒐閱而車徒行列多存古法，勢不可以全覆之耳。兵制旣設，而其卿大夫又賢，故其料敵若契，用兵最精。而左氏筆之稱文簡而喻意微，則所謂刻其事而孫吳

諸子因之以起義，由是談兵者各自名家。豈知盡出于左氏哉？予友宋子尚，木與終日處，未嘗見喜愠之色。然察幾明敏，沈靜有爲。倫輩不及其所論著。左氏上下千百年，取其事之異同，斷以己意。徐子闇公歎其微中，又從而節論之。嗚呼！斯足傳已。夫左氏之書，雜然竝紀，以聽用者之自擇。又所爲以義立文，而

宋子實之以事使展卷之餘諸左氏所稱後世守焉而克者如此也背焉而喪者如彼也不寧唯是又有同事異勢同勢異情管爭其利而效今行之不效管蹈其害而亾今行之未必亾蓋已詳哉言之矣蘇氏稱孫武之書奇權密機出入神鬼及考用吳之日厥功亦鮮吳起之言少蔓矣不若武之詞約意盡然


其功則盛焉故俟其擇而用之然後可定其得失也趙括少學兵法其父莫能難要括所習則優矣第未知所擇耳武穆不泥古兵法以爲運用之妙存乎一心善乎斯言真用兵著龜矣至於今戰陳之法盡喪臨壁而恃其氣闐然而勝闐然而潰俱不知何以故也是且未能守其無敗曷以決其必勝且未能循

古戰圖曷以操縱變化神其一心使敵不知首尾宋子悼武功之不競詒

君父之閔皇每食廢箸而歎遂為網羅古今獨引懷抱本左氏而條悉其端以教介冑之士嗚呼豈惟言之不窮歟求之于用宋子不窮矣杜牧之論曰兵亦政事也其在孔門則仲由冉求之任故主兵者必聖賢之徒多聞廣

識高議廊廟之上形成而受之將帥讀宋子之書而知牧之之言為不誣矣

丁丑季冬友第何剛題



以然左氏兵法測要序 兵長嘗嘗神士大
或問用兵之道有神力乎余曰否有奇謀
乎余曰否用兵之道實事而已士大夫習
則常勝常勝則常有兵不習則常不勝常
不勝則常無兵往者春秋之世天下五十
餘國霸莫如齊晉強莫如秦楚固嘗仗師

文書而時地之不言為不虛矣
下世平久又象所測取
測高者感感之至也知而受之非惟舊家



武之力藉戰勝之威矣其他小國之師莫
不勤戰以鄭之介於兩大之間爲楚則楚
重爲晉則晉重以衛之弱而可以勝于齊
以小邾之微而可以勝于魯以魯之衰而
可以勝于宋以吳之夷而可以爭長於晉
以越之敗而可以復于吳是皆當時士大

夫習于兵嫻於法也至於今日天下一統
天子之威行于萬里天下勝兵無慮數百
萬而自戊午用兵以來二十餘年虜日益
橫盜日益多兵日益弱求其一矢相加遺
者而不可得反不及于春秋之小國者其
士大夫不習于兵不嫻于法以爲兵家之

道出入變化自有天才不可學而能也嗟乎是又安得司馬穰苴孫武吳起者而後兵可用哉尚木少爲左氏之學有當陽之癖樂觀其治兵行師攻謀伐交之術因裒集其事通其流畧至于晚近皆較量而籌畫之爲左氏兵法測要二十卷余讀而誦

之曰此真救時之書也今天下多故

聖人宵衣苟有百里之寄不能必其一日之無事則不能必其不用兵不能必其不用兵則不可以不知兵官長爲將帥子弟爲徒衆出才智以進退用爪牙以角拒此猶筐篋簿書之事不可以爲非常之舉不意

之變也古之人蓋常行之于樽俎之間出
之于衽席之上矣士大夫其勉之哉毋使
關壯繆狄武襄笑人則夷盜可以平而兵
革可以息也此又宋子之志也

入宵來後夜亦百里同郡友弟李雯題

序

易象與魯春秋皆淡乎幾事之書幾事之大
者莫如兵然易惟陰陽飛伏籤筮雜占不廢
于行間師卦之陳五營九軍今人弗能知若
春秋則二百四十二季之行事深切著明大
司馬六軍敗于魚麗內政崇卒鷄父荆尸試
繙左氏而霸主之英斷格人之僉謀武夫之

致死若寓目焉是日劉歆建之學官徵諸事
應歷狀可據矣厥後善將兵若關壯繆杜征
南狄武襄岳武穆皆好之誠以其言乎幾事
者詳明而專決也夫兵危事也非博觀乎古
今成敗之數而明乎天下之大勢以爲之備
虞卽徒庀夫形名節制芻糧卒乘猶爲一時
格鬪之術而非兵法也辛有之適伊川也見

被髮而祭于埜者曰不及百年此其戎乎其
禮先亡矣逮秦晉遷陸渾之戎於伊川及此
期也是知蠻夷鎮蕃各有攸處迺徐州有徐
戎秦晉多驪戎白狄中原有蠻城豈古帝王
羈縻之九州亦若曹操之處五部

國初之處降夷者邪謂秦始有天下悉逆逐
之其弘略弗可及矣蓋秦晉皆恃戎狄爲勅

秦本西戎而晉宗國也至其爭閭田率陰戎
以伐王人而王告以先王居之四裔者惠公
誘以來侵諸姬而入郊甸后稷封殖之天下
而我制之嗚呼則亦有其漸矣申侯與繒西
夷犬戎殺幽王驪山下平王之立也晉文侯
有修扞功錫之柎鬯弓矢曾不爲王復讎而
使避犬戎于洛邑秦襄公送王復賜之岐以

西之地秦用終霸馴至有天下然則夷狄之
旤周可勝言哉於後秦晉雖號平戎于王晉
雖滅狄獻俘而吳楚起矣州來之師大敗諸
侯潢池之會吳爭長于晉矣宋之盟盡得諸
侯申之會楚遂霸天下矣竊以春秋之始天
下大執在西北春秋之終天下大執在東南
三戶亡秦天限之險兆見于茲左氏之學其

于世變良可測已故明乎天下之大執于夷
狄也防乎其防其春秋之志也夫夫防乎其
防豈征伐之已也使中國而爲夷狄之行則
夷狄焉已矣槃瓠浮竹近在百粵胡床羌炙
甘爲五胡夷狄陰類也其雄騎恆待月滿利
則羣進害則羣退部落名字從其健者中國
而柔狡唯阿不能特立以事一丈夫皆夷狄

也于是民無所聊鋌而爲盜則患其內訌以
爲夷狄助夫盜則我民耳何患之有曷不若
春秋時各治其疆事盜賊豈能侵軼哉有爲
子產之聞盜成剝而出而毋爲季孫之賞盜
至于不可詰也斯亦已盜之善術矣故天下
非盜賊之患而夷狄之患非夷狄之患而夷
狄之行之患也雖然以天下之患而以爲不

序
足患者有之卽以爲足患而姑無庸患者有
之若夫患之而爲之畫焉畫之而中焉我思
古人當亦一二人而已矣夫畫之而中焉而
患可弭也苟莫令畫之而徒患之已耳則有
何嗟及之歎此左測之所繇作也

同邑友弟蔡樅題

序

士必治識而後膽壯必治膽而後智生然識繇天縱
而古今論助之功尤不可少夫獨坐一室而欲周知
時勢高下地形險阻人情物土之陰陽燥濕其何道
而能然乎故必延攬忠益與之盱衡抵掌而又取古
人已驗之故方與未發之新智參觀而變化之天下
之事庶無有能爲我難者矣夫不逢古不能通今不
經文不能緯武孫仲謀謂呂子明曰卿今當塗掌事

空學問以自益豈欲卿治經爲博士耶但當涉獵見
往事耳古人之相勉學識蓋如此今之人素不習兵
一旦有事則循資充之拘牽成格而徼倖成功曰是
固有數焉然則天下事遂終不可爲乎夫無任事之
人良繇解讀書之人所言所見適至是也蓋讀書不
費煩費觀其大要英博沉奧孰如左氏春秋其賞罰
是非萬世之經也剛柔進退萬世之權也雖不盡行
師而行師之道無有過之者古來豪傑如壯繆武穆

諸賢皆深息篤好之蓋嘗觀於晉楚齊秦之戰知其
勇而有禮也用變而以信爲本審勢而以情爲歸倥
偬之際何其整而暇乎而權衡在心變化莫測真禦
侮之良規也顧或謂霍嫫姚行師不喜古法夫因古
而用古其法不爽因古而變古其智不窮戰勝攻取
虛實變化之間豈能盡言哉曳柴揚塵以形其衆而
又有滅竈滅火以形其寡者嘗敵速去以形其退而
又有斥山沿澤以形其進者油幕冠樹以形其強而

又有偃旗臥鼓以形弱者惟是崔浩讀漢書能決涼州之師蘇秦發陰符乃成六國之從皆爲得書之助况屈伸進退機詳萬變如左氏者哉家仲尚木以身不見用退而節略左氏參以已見取古事之合者及者縱橫上下之證古酌今準成究敗洵非淺昧者所能見矣夫雖有韓白不究春秋之略不能知奇正分合之道也茲編蓋可忽乎哉

兄存標子建題於君子堂

左氏兵法測要序

家從兄尚木撰左氏兵法測要成以示徵輿且命序之徵輿誦而歎曰此非獨救時之良書也後世且將尸而祝焉蓋兵家者流算不宗孫吳其言至精而所論者大勢不附之以事則不明也附之以事而猶不明則後世之事不能盡當孫吳之言也左傳之爲書也叙事而已不虛論兵勢而叙兵之

所勝與所敗大小具盡焉以實事明虛說不若以
虛說明實事故以孫吳之說歸之左傳之事殆兵
家之最上矣後世無代無治亂則無代無戰爭史
書所載未嘗不詳而無以兵法名者獨左氏有春
秋兵法名則以作史之人不能知兵如丘明而後
世用兵亦不能如春秋之亟也然就一事論一事
不若叅衆事以論一事以左傳爲歸而援後世之

事以叅之而左傳兵法乃得大備也夫就左氏而
論兵亦已詳且盡矣乃復通之以孫吳叅之以後
代質能明之文能盡之此尚木之書所以爲丘明
之知己兵家之功臣也今天下苦兵矣而用之者
苦於無法縉紳之家視介冑爲危具而武夫戰士
復不爲朝廷用至于游光之客爲大言以欺賢人
其意不過金錢其談已過韓白矣使有人焉於貧

賤之時草茅之下深心講求古之爲兵若何今之爲兵若何此法可行此法不可行口能道之而身能行之則一旦爲

天子大將亦何難乎尚木今雖伏菰蘆中未發聲于

天下安知無特逢之遇甲兵之任今之空言不爲後之實事哉我家先世蓋多異人雖不大賢顯而好奇任俠要必有負拔與衆殊者至輿輩兄弟或

多善人而意氣平謹無復適上今尚木所爲書若此蓋其意深遠矣豈復爲文章之士循榮之儒已耶故輿隨同社諸子之後樂得而序之以附不朽云從弟徵輿敬序



同龔叅定友人姓氏
陳眉公先生
姜神超先生
吳嘉胤
周立勳
夏允彝
徐孚遠
唐允諧



同龔叅定友人姓氏

陳眉公先生 執友

姜神超先生 執友

吳嘉胤 繩如

周立勳 勒卣

夏允彝 彞瑗公

徐孚遠 闇公

唐允諧 尹季

生氏

劍開齋

徐鳳彩聖期

蔡平樅季直

徐纘高孝若

朱立灝宗遠

顧開雍偉男

盛翼進隣汝

李雯舒章

陳子龍軼符

彭賓燕又

張壽孫詒汝

郁汝持子衡

張安茂子美

朱澐積早服

何平剛愨人

單恂質生

徐致遠武靜

陸慶曾子玄

兄存標子建

弟存裴端木

徵輿轅文

原名元身

侄與琦有韓

啓瑞東星

學璟

實

左氏兵法測要卷目

一卷 凡例 大例 周禮圖說 列國兵制

八卷 列國戰陳圖記

二卷 東周天王年表 列國諸侯年表 晉楚

六卷 執政年表 半歲星圖說 列國輿圖

五卷 英二卷 公十年

一卷 隱公桓公至莊公二年

二卷 莊公三年至僖公四年

三卷 僖公五年至僖公二十二年

四卷 僖公二十三年至僖公二十八年

五卷 僖公二十九年至文公十年

六卷 文公十一年至宣公十一年 因與國

七卷 宣公十二年至宣公十八年 平公 晉

八卷 成公元年至成公十一年

九卷 成公十二年至成公十八年 襄公

十卷 襄公元年至襄公十年

十一卷 襄公十一年至襄公十九年

十二卷 襄公二十年至襄公三十年

十三卷 昭公元年至昭公十三年

十四卷 昭公十四年至昭公二十一年

十五卷 昭公二十二年至昭公二十六年

十六卷 昭公二十七年至定公五年

十七卷 定公六年至定公十四年

十八卷 哀公元年至哀公九年

左氏春秋傳

二

十九卷 哀公十年至哀公十五年

二十卷 哀公十六年至二十七年

二十六卷 共二十卷 平至哀公五年

二十五卷 哀公二十五年至哀公二十六年

二十四卷 哀公二十四年至哀公二十五年

二十三卷 哀公二十三年至哀公二十四年

二十二卷 哀公二十二年至哀公二十三年

二十一卷 哀公二十一年至哀公二十二年

卷目 畢

凡例

華亭宋徵璧尚木述

一左氏宜列學官。以其耳目相接。羽翼聖經。劉歆發憤。固為首功。但二百四十餘年。事既繁雜。詞亦浩瀚。是非得失。何可勝陳。茲獨取列國兵事論斷之。任其蒙心。聊率管見。譬弋飛蟲。十不獲一。因名測要焉。
一左氏同於六經。世所共珍。但徒耽玩文詞。意不在遠。遂使意因詞匿。事緣文掩。予所取舍。則異於是。刪

左氏春秋傳

卷之一

一

其繁縟。獨存猷畧。較舊本稍為徑省。

一列國兵事。如侵伐攻圍。有傳直載本事。別無義類者。又有事體瑣屑。本無關係者。又有本事既詳。別復芻出者。予悉不載。惟吳越始末。詳於國語。予因節其大畧。隨事附見。補所不逮云。

一杜征南最號知兵。自言有左氏僻。然猶一生精力。竭於左氏。予於左氏。向非服習。適丁丑仲夏。同徐子周子。泛舟虎溪。感念時艱。太息良久。因追論往古名

將。皆於左氏考究原流。惜左氏兵法。未覩善本。以予多暇。屬予研討。不揣迷謬。妄為論斷。未能推測意理。審識指趣。而欲斷然自成一書。行遠垂久。難哉。

一任宏列兵事為四種。衛公分為三等。推其本旨。詎易言窮。且古之將相。或繇天授。或遇良師。故能洞曉兵機。預審成敗。予身既卑賤。質復愚魯。兼以體弱善病。日理醫藥。誠無士行運甕之勤。惟切安仁白髮之嘆。躬耕南畝。局促轅下。高山大川。遠隔千里。奇材劍

客不交一人。徒以愚頑之心。撫已朽之成跡。鴻鵠翺翔。猶循藪澤。管人所爲。致譏於睫論也。

一左傳兵事。大抵皆是車戰。間用徒兵。未嘗載騎。以春秋尚沿周制。兵貴精少。未若戰國盡數調遣。且巧拙殊製。前後異宜。援古証今。疑非適用。但左氏爲兵法之祖。自不可廢。如河流曲折。必溯崑崙。而變化則存乎人哉。

一左氏向有杜林合註。稱爲善本。然杜實淵深林殊淺鄙。所存多寡。自難一概。若夫詞本顯白。不煩詮解。意涉旁岐。無關大義者。槩從刪削。旣使理義炳朗。復令文詞連貫。亦閱者之一助。

一左圖右史。古人所重。故東周天王年表。列國諸侯年表。晉楚執政年表。管所未備。乃爲補作。至於列國總圖。車步陳法。歲星雜說。俱爲詳核。圖畫冠之卷首。又摭撫本傳義例。加以裁斷。爲左氏大凡數則。共爲二卷。合兵法測要共二十二卷。若夫春秋因乎魯史。

前後悉遵編年其無兵事者則闕焉

一長夏郊居余墨守丘明家伯氏子建論斷國策伸紙率筆各抒所見適 睂公先生見之過爲推獎友人閻公聖期同棲隴畝素諳天人遂詳加評隲闡明精要事或切今議皆獨發得其意理洵能益智矣一役將告竣 西銘張太史惠寄左氏兵畧因復采取數則補所不逮自慚陋詞匪云謀野無裨實用何當懸之玉帳勒諸金版聊供識者嗤笑而已

一 內史姜神超先生極稱經武淵源一書予以神超先生胸羅武庫而李見羅先生當年用兵如神因從友人處借觀披覽之餘使人爲之流連矣

一 予從閻公臥子之後選輯名臣經世編上自弘永近至隆萬凡名公鉅卿約有三百餘家人文之盛宏掩前代其謀謨猷略載自本集者皆爲博采兵農禮樂總歸切要異同詳略煥若神明固一朝之鉅製救時之良書也但敝邑褊小見聞有限惟冀海內名賢

惠而教我。國華家乘。總祈緘寄。倘祕本可念。不敢
沉軼抄綴訖事。便當盟手拜璧。

左氏大例

華亭宋徵璧尚木節要

凡諸侯有命告則書。不然則否。雖及滅國。滅不告敗。
勝不告克。不書於策。

註曰。命者國之大事。政令也。承其告辭。史乃書之。
于策。若所傳聞行事。非將君命。則記在簡牘而已。
不得記于典策。此蓋周禮之舊制。

凡師一宿爲舍。再宿爲信。過信爲次。

註曰爲經書次例也。舍宿不書輕也。

凡師敵未陳曰敗某師。皆陳曰戰。

註曰堅而有備各得其所。成敗決于志力者也。

大崩曰敗績。

註曰師徒撓敗。若沮岸崩山喪其功績。故曰敗績。

得雋曰克。

註曰若大叔段之比。才力足以服衆。威權足以自

固。進不成爲外寇強敵。退復狡壯。有二君之難。而實非二君。克而勝之。則不言彼敗績。但書所克之名。

覆而敗之曰取某師。

註曰覆謂威力兼備。若網羅所掩覆。一軍皆見禽制。故以取爲文。

凡師有鐘鼓曰伐。無曰侵。輕曰襲。

註曰襲者掩其不備。

凡諸侯有四夷之功則獻於王。王以警于夷。中國則否。諸侯不相遺俘。

註曰。雖夷狄俘。猶不以相遺。

凡師能左右之曰以。

註曰。謂進退在已。

凡勝國曰滅之。

註曰。勝國絕其社稷。有其土地。

獲大城焉曰入之。

凡民逃其上曰潰。在上曰逃。

註曰。衆散流移。若積水之潰。自壞之象也。國君輕

走。群臣不知其謀。與匹夫逃竄無異。是以在衆曰

潰。在上曰逃。各以類言之。

凡師出與謀曰及。不與謀曰會。

註曰。與謀者。謂同志之國。相與講議利害。計成而

行之。故以相連及為文。若不獲已。應命而出。則以

左氏兵法注疏
外合爲文。皆據魯而言。師者國之大事。存亡之所
繇。故詳其舉動。以例別之。師與諸將皆曰取。
凡書取言易也。克邑不用師徒曰取。

註曰。不用師徒。及用師徒而不勞。雖國亦曰取。
用大師焉曰滅。

註曰。敵人距載。斬獲俘馘。用力難重。雖邑亦曰滅。
弗地曰入。

註曰。謂勝其國邑不有地。

凡獲器用曰得。

註曰。器用者。謂物之成器。可爲人用者也。

得用焉曰獲。

註曰。謂用器物以有獲。如俘爲戰獲。


凡傳大例。皆爲釋經而發。此不載經文而載傳大
凡者。要以傳本翼經。譬之經律也。傳條例也。得條
例而後可以斷獄。詳傳與春秋之大例而後可以
考事之是非得失。故雜采左氏之文。條列之。而先

後則以傳為準焉。使讀者展卷而二百餘年之兵事已識其大端矣。

禮記卷之八 禮記卷之八 禮記卷之八 禮記卷之八 禮記卷之八

禮記卷之八 禮記卷之八 禮記卷之八 禮記卷之八 禮記卷之八

周禮大閱立表圖



車車車車車車車車車車車車車車車車

周禮大司馬中春教振旅其振整司馬以旗致民平列

陣一字平列如戰之陣辨鼓鐸錡鏡之用以教坐作

進退疾徐疏數之節遂以蒐田中夏教芟舍草止也如

振旅之陣羣吏撰車徒撰擇兵讀書述事契合驗辨

號名之用帥以門名縣鄙各以其名家以號名鄉以

州名野以邑名百官各象其事以辨軍之夜事其他

皆如振旅遂以苗田而蒐之法中秋教治兵如振旅

之陳辨旗物之用王載大常諸侯載旂軍吏載旗師

都謂孤卿載旛鄉遂載物郊野載旒百官載旗各書

其事與其號焉其他皆如振旅遂以獮田而蒐田之

法中冬教大閱前期先大閱羣吏謂鄉師戒衆庶修

戰法虞人萊所田之野為表除去田田之日司馬建

旗于後表第一之中羣吏以旗物鼓鐸錡鏡各帥其


民而致致之大質明天正弊什旗誅後至者什旗而

誅乃陳陳車徒步如戰之陣皆坐使坐羣吏聽誓


于陣前斬牲以左右徇陳曰不用命者斬之中軍以

輦令鼓。鼓人皆三鼓。司馬振鐸。羣吏作旗。植所車徒
 皆作。起也鼓行鳴鐸。車徒皆行。及表。第一乃止。三鼓。撫
 鐸。掩其口而振之羣吏弊旗。又仆其旗車徒皆坐。又三鼓。振鐸。作
 旗。車徒皆作。鼓進。鳴鐸。車驟。驟足而進徒趨。及表。第三乃
 止。坐作如初。乃鼓車馳。決圍而去徒走。速也及表。第四乃止。
 鼓戒三闕。鼓以三為節車三發。徒三刺。乃鼓退。鳴鐸且卻。
 及表。退至第一表乃止。坐作如初。遂以狩田。


周禮五人為伍圖



周禮百人為卒圖



周禮二十五人為兩圖



武代兵法則要 卷之一

周禮二千五百人為師圖



周禮五百人為旅圖



武代兵法則要 卷之一

周禮天子六軍師圖




周禮一萬二千五百人為一軍



左氏兵法注要

卷之一



周禮

軍伍之制陣法不載

小司徒乃會萬民之卒伍而用之。五

人為伍。五伍為兩。四兩為卒。五卒為旅。五旅為師。五

師為軍。以起軍旅。以作田役。

田獵功力之襄

以比追胥。

伺盜捕賊

以令貢賦。乃均土地。以稽其人民。而周知其數。上地

家七人。可任也。者家三人。中地家六人。可任也。者家

二人。下地家五人。可任也。者家一人。凡起徒役。毋過

家一人。以其餘為羨。唯田

獵也

與追胥竭

盡也

作。

行也大司

馬。凡制軍。萬有二千五百人為軍。王六軍。大國三軍。

次國二軍。小國一軍。軍將皆命卿。二千五百人爲師。師帥皆中大夫。五百人爲旅。旅帥皆下大夫。百人爲卒。卒長皆上士。二十五人爲兩。兩司馬皆中士。五人爲伍。伍皆有長。一軍則二府。六史。胥十人。徒百人。

農兵陣記

農兵之陣。周公封建之所作也。夏商制軍。天子六諸侯。三次國。二小國。一。周公因之。體國經野。其制更詳。小國子男地方五十里。田一鄉一遂。鄉遂之民各萬。

二千五百家。次國伯地方七十里。鄉遂倍之。民倍之。大國公地方百里。鄉遂三之。民三之。天子地方千里。鄉遂六之。民六之。軍之等視鄉焉。卒之數視民焉。以是爲差。凡四時皆有教。春以蒐田教。辨鼓鐸鐻鏡之用。夏以苗田教。辨夜事之用。秋以獮田教。辨旗物之用。冬以狩田教。辨車騎戰陣賞罰之用。皆不同也。凡教闔地三百五十步。立表四行。平列行陣。不示人左右。中前後之分。凡平居五家爲比。比有長。五比爲閭。

閭有胥。四閭為族。族有師。五族為黨。黨有正。五黨為州。州有州長。五州為鄉。鄉有卿。有事以比人為伍。同伍為列。比長為公司馬。以閭人為兩。同兩為拒。胥為兩司馬。以族人為卒。百卒同一車。族師為卒長。以黨人為旅。同旅五車為一隊。黨正為旅師。以州人為師。同師二十五車為備。州長為師帥。偏將是也。以鄉人為軍。同軍五偏為陣。命卿為軍將。一陣之大將也。寓兵於農。此之謂也。一軍者。獨二軍分上下。三軍中以

奉公。左右為二拒。六軍前右為拒。中為先鋒。左為備。後為殿中。中以奉天子。六軍皆為正。奇兵在正軍之外。從兵又在奇之外。此皆不載之法矣。

左氏兵法

卷之二

周兵制圖

王 上公	大國 上公	次國 侯伯	小國 子男	伍 五人	兩 二十五人	卒 百人	旅 五百人	師 二千五百人	軍 萬二千五百人
六鄉六遂	三鄉三遂	二鄉二遂	一鄉一遂	伍長 公司馬下士	兩司馬 中士	卒長 上士	旅師 下大夫	師帥 中大夫	軍將 卿
六軍 七萬五千人	三軍 三萬七千人	二軍 二萬五千人	一軍 一萬二千人	一軍 伍長二千五百人 六軍共一萬五千人	一軍 兩司馬五百人 六軍共三千人	一軍 卒長一百二十五人 六軍共七百五十人	一軍 旅師二百五十人 六軍共一千五百人	一軍 師帥五十人 六軍共三百人	一軍 一人 六軍共六人

奉天千六軍皆為五

左氏兵法

卷之二

七

周禮小國一軍陣圖



三氏兵去則要


卷之一

大司馬


十七

王	大司馬	大司馬	小司馬	大司馬	大司馬	大司馬	大司馬	大司馬
	六軍	六軍	六軍	六軍	六軍	六軍	六軍	六軍
	六軍	六軍	六軍	六軍	六軍	六軍	六軍	六軍
	六軍	六軍	六軍	六軍	六軍	六軍	六軍	六軍
	六軍	六軍	六軍	六軍	六軍	六軍	六軍	六軍


周禮次二軍陣圖



周禮大國三軍師圖



管仲內政陣圖



齊桓公任管仲作內政以寓軍令。五家爲軌，軌爲之長。十軌爲里，里有司。四里爲連，連爲之長。十連爲鄉，鄉有良人焉。以爲軍令。五家爲軌，故五人爲伍。軌長帥之，十軌爲里，故五十人爲小戎。里有司帥之，四里爲連，故二百爲卒。連長帥之，十連爲鄉，故二千人爲旅。鄉良人帥之，五鄉一帥，故萬人爲一軍。五鄉之帥帥之，三軍故有中軍之鼓，有國子之鼓，有高子之鼓。春以蒐振旅，秋以獮治兵。是故卒伍整於里，軍旅


整於郊。內教既成。令勿使遷徙。伍之人祭祀同福。死喪同恤。福災共之。人與人相疇。也。匹。家與家相疇。世同居少同游。故夜戰聲相聞。足以不乖。晝戰目相視。足以相識。其歡欣。足以相死。居同樂。行同和。死同哀。是故守則同固。戰則同疆。君有此士三萬人。以橫行於天下。以誅無道。以屏周室。天下大國之君。莫之能禦也。有革車八百乘。

內政陣記

內政之陣。齊大夫管仲。霸天下之所作也。齊始從周。制作三軍。三萬七千五百人。車三百五十乘。一軍二偏。一偏二十五車。一車卒百人。一卒分爲四兩。一兩分爲五伍。管仲至是。乃更之。制國三萬人。車六百乘。一軍各五旅。一旅小戎之車。各四十乘。一乘卒五十人。五十人分爲十伍。以爲三軍。中軍公帥之。左軍國子帥之。右軍高子帥之。別有卒一萬。車二百乘。爲奇。

兵比周制雖有不同其實皆起於五也。厥後莊公伐衛。有先驅。申驅。啓。肱。廣。戎。駟。乘。大。殿。等。八。陣。之。名。無非管仲之遺制。其獨無三軍之正者。恐傳者之記失其詳也。蘇軾之論。乃謂周制一萬之有二千。二千之有五百。其數奇而不齊。則其陣繁而且曲。管仲欲以歲月取天下。務爲簡略。速勝之兵。一軍一萬人。則其陣如貫繩。如畫棊。疏通洞達。雖有智者。無所施其巧。此不足與論齊兵也。蓋三軍者。受之於君者也。先驅。申驅。大。殿。駟。乘。啓。肱。戎。廣。此則將之所自出者。其陣之奇。孰過於管仲。若其陣若貫繩。若畫棋。何足以爲陣。安能以伯於諸侯哉。

齊莊公伐衛陣圖



秋齊侯伐衛先驅前鋒穀榮御王孫揮王孫揮為先

御召揚為右為先驅王孫申驅次前軍名成秩御莒

恒莒恒為申驅申鮮虞之傳摯為右傳摯申鮮虞之

恒車曹開御戎曹開御莊晏父戎為右為莊公貳廣

公副上之登御刑公刑公為二廣帥虞蒲癸為右為

廣刑公啓左翼牢成御襄罷師襄罷師為左翼狼蘧

疏為右為左翼襄肱音脅右商子車御侯朝侯朝為

商子車為御栢跳為右為右翼侯大駟後軍商子游御夏

左氏兵法注疏卷之一

之禦寇

夏之禦寇為後軍

崔如為右

為後軍夏之

燭

庸之越

名駟乘

駟乘四人共乘殿後也

齊侯自衛

遂伐晉取朝

歌

晉為二隊


齊師分為二隊

入孟門登太行張武軍於熒庭



成鄆邵封少水以報平陰之役

[Faint bleed-through text from the reverse side of the page]


晉四軍陣圖



晉崇卒陣圖



晉五軍陣圖




晉荀吳伐無終及羣狄于大原將戰魏舒曰彼徒我車所遇又阨以什共車必克以步共車陣之用有克之之理困諸阨又克阨地利用寡請皆卒自我始魏舒先自去車乃毀車以為行步五乘為三伍解五乘之卒令分為步隊三陣大約臨時分布取其立成陣也為五陣以相離步卒四陣兵車一隊兩於前前二隊伍於後後五隊車為右角右地勢險參於左左地勢平偏為前拒車當前以為禦以誘之為離散之陣翟人笑之未陣而薄之大敗之

崇卒陣記

崇卒之陣晉卿中行穆子所作也晉舊法用周制五人為伍十伍為兩百人為卒二十五乘為偏每攻守二乘卒百人攻車七十五人前拒一隊左角一隊右角一隊守車二千五人為廐養樵汲炊爨守裝之用凡興兵十萬用車輕重各一千乘也荀吳伐無終大鹵之地阨而險始舍車為步步如車布蓋一伍五人分左右前後中五方而立一兩二十五人亦分左右

前後中而立。方各一伍也。一車甲士三人以居中。九十七人分居左右前後。方各一兩也。五車為隊。車之布如卒之布。二十五車為偏。偏之布如隊之布。五偏為陣。陣之布如偏之布。毀車為行。雖不用車。而車法在其中。故其卒分為五陣。以相離。各居一處。而疏列之。即一偏之法也。蓋車法起於步法。而步法不外於車法焉。其前兩後五左參右專陣之眾寡不同者。實因地形險夷之便。而增損其數。出於一時之權宜也。


魚麗陣兩車布列法圖




左氏兵法海澗要卷之一

三

圖陣麗魚列布車五十二



圖陣軍三麗魚鄭



左氏兵法注疏卷之九
王奪鄭伯政。鄭伯不朝。王以諸侯伐鄭。鄭伯禦之。王
為中軍。虢公林父將右軍。蔡人衛人屬焉。周公黑肩
將右軍。陳人屬焉。鄭子元請於鄭伯為左拒。左軍結為方陣
以當蔡人衛人為右拒。右軍結為方陣以當陳人。曰陳亂而
不整。若先犯之必奔。王卒顧之必亂。蔡衛不救。固將
先王卒而奔。既而三軍萃於王卒。可以集事。鄭伯從
之。使曼伯為右拒。蔡仲足為左拒。原繁高渠彌為中
軍。以中軍奉公為魚麗之陣。先偏後伍。伍承彌縫。戰

於繻葛。命二拒撻動而鼓。蔡衛陳皆奔。王卒亂。鄭師
合而攻之。王卒大敗。

魚麗陣記

魚麗之陣。鄭大夫子元之所作也。鄭為大國。其賦三
軍。一軍五偏。一偏五隊。一隊五車。五偏五方。而立為
方陣。以偏居前。以伍承偏之後。彌縫之間。如魚隊之
附。故名為魚麗陣。按周制而為者也。周制五車為一
隊。二十五車為一師。一百二十五車為一軍。鄭不稱


楚軍一乘布列法圖



師而稱偏。一師各當其一面故也。周以百人為卒。一卒分為四兩。兩各二十五人。四面環車而立。以車甲士三人為中兩。各當其一面。戰合用奇。而車出則卒分列車之兩傍。隨車而進。先偏後伍。伍承彌縫。其法同也。但鄭人好奇其名。而目之魚麗。如宋華氏鵝陣。鵝陣皆此義矣。


定兵法則要卷之一

楚武王陣圖







左廣

右廣



淪黨將游關十四乘

楚五十乘為偏法圖



楚武王陣圖

三

楚武子作荆尸以伐隨授師子子鎗屬楚人至此方制長兵以立

陣法莊王霸強克庸戎以來無日不討軍實而申儆

之三軍以為正軍二廣以為親戎廣兵車名左右廣各十五乘游

闕以為游兵游兵主往來主補缺廣有一卒百人為卒卒偏之兩五十

乘為偏卒在廣之兩傍於陣則分為二拒上軍左拒右軍右拒

以上言卒伍調卒商農工賈不敗其業卒乘輯睦不

奸於事調卒有法如此軍行右轅軍出行在途則右軍挾轅以為戰備右追蓐

前軍棄草為號前茹慮無前軍戴茹於首慮敵有無見敵則去茹中權

中軍主權衡以為進止後勁後軍主堅勁為殿此言軍行在途之法行軍之翼曰

則輜重至輜重去大軍之後只一日

楚武陣記

荆尸之陣楚子武王霸天下之所作也楚自若敖蚡

冒之世皆楚先君篳路柴車籃縷蔽衣以啓山林至武王始為


軍政而備於莊公荆楚地尸陳也故號曰荆尸其法

五十人為兩百人為卒十五乘為偏以其山澤之國


車少而人多車各一卒一兩焉上中下三軍中軍以

奉公。上下分。左右二拒。蓋方陣也。公有親戎。分爲左
右二廣。一廣各一偏。陣後別有游闕四十乘。行則前
軍爲先鋒。戴芾爲號。慮敵有無。右軍次之。挾轅爲戰
備。中軍主節制。如懸權。左軍次於中軍。見地有萎草。
知前軍見敵也。急追而進。以相應。後軍聞之。勁然以
毀其後。卽行次之間。而陣立成矣。

吳九乘爲偏法圖



吳鷄父陣圖



吳人伐州來邑楚楚蓬越帥師及諸侯之師敗之吳人

禦於鍾離公子光曰諸侯從於楚者衆而皆小國也

畏楚而不獲已是以來吾聞之胡沈之君幼而狂陳

大夫鬻壯而頑夏鬻年雖壯而性愚頓與許蔡疾楚政三國皆怨楚

七國同役而不同心楚可敗也若分師先以犯胡沈

與陳必先奔三國敗諸侯之師乃搖心矣諸侯乖亂

楚必大奔請先者去備薄威示弱後者敦陣整旅吳子

從之戰于鷄父吳以罪人三千去備薄威指此先犯胡沈與

陳為三軍以繁於後敦陳整旅即此中軍從王公子光帥右

掩餘帥左吳之罪人或奔或止囚徒不習戰三國爭走而

亂吳師擊之獲胡沈之君及陳大夫舍胡沈之俘使

奔許與蔡頓曰吾君死矣師噪而從之三國許蔡頓奔

楚師大奔

雞父陣記

雞父之陣吳公子光所作也吳舊無車乘三軍皆步

兵其汰三萬人為三軍一軍一萬人此黃池之會如此未分為百行一行

卒百人行頭皆用官師擁鐸持戟建肥胡之旛奏文

犀之渠十行一嬖大夫建旗提鼓挾經兵書也秉袍百

行一將軍載常建鼓挾經秉袍萬人以為方陣中軍

白裳白旅素甲白羽之矜望之如荼王親秉鉞載白

旗以中陣而立左軍亦如之皆赤裳赤旗丹甲朱羽

之矜望之如火右軍亦如之皆玄裳玄旗黑甲烏羽

之矜望之如黑吳制軍容如此其無詭形慝情分合

變化之汰可知矣又無車乘故不敢抗於諸侯也巫

三

臣怨楚以楚之一卒適吳舍其偏兩之一車一乘卒一兩教
吳居戰至是始伐州萊在楚車有二法小偏九乘大
偏十五乘小偏一乘居中八乘裏之中四隅爲正四
方爲竒大偏三乘居中十二乘裏之中與四隅五乘
爲正四方八乘爲竒雖一偏之寡而竒正已具觀鷄
父之戰以罪人居先三軍居後以步居先以車居後
豈非緣車制而得竒正之術耶

春秋周天王年表

周

姬姓其先祖棄帝嚳之子事堯爲農師播殖百穀舜
命爲后稷封于郃傳至十三世孫古公亶父遷于岐
山下之周地改國號周古公子季歷生文王昌是爲
西伯遷都于豐三分天下有其二子武王發伐商紂
而有天下承商水德以木德王都鎬京追幽厲板蕩
平王東遷洛陽盡舉故都而棄之秦所謂東周也于
是王室微弱至平王宜臼四十九年入春秋始武王
終赧王延凡三十二世三十七王共八百六十七年

秦昭襄王滅之

魯隱元隱四年桓十六莊十三僖十八僖九年文九宣三年成六年襄二年昭二十昭二十
年至三至桓十年至莊年至僖年至文八至十四年至宣至成五至襄元至二十九年至二年
五年 十二年十七年八年 年 二年 年 八年 昭王年 哀王年

平王桓王莊王僖王惠王襄王頃王匡王定王簡王靈王景王悼王敬王

名宜曰在位二在位十在位五在位二在位三在位六在位六在位二在位十在位二在位二在位二即位十
四十九十三年五年子孫惠十五年十二年子臣年弟定十一年四年子十七年十五年百日考九年春
年入春子莊王僖王胡王闞立子襄王子頃王王班立王瑜立子簡王靈王泄子景王子悼王春秋魯終在
秋在位他立 齊立一考姓系鄭立 壬臣立 夷立 心立 貴立 猛立 昭二十位四十
五十一 名釐王云僖王

年子洩
父之子
桓王林
立

月王子
猛卒不
稱王弟
敬王句
立

春秋周天王平水

春秋魯國年表

魯 侯爵

武王弟周公旦封於魯不就國留佐成王使世子伯
禽受封于曲阜始魯公至頃公讐凡三十四世八百
七十三年楚考烈王滅之

隱公桓公莊公閔公僖公文公宣公成公襄公昭公定公哀公

名息姑在位十在位三在位二在位三在位十在位十在位十在位三在位二在位一即位十
惠公長八年為十二年庶兄十三年八年子八年子十一年十五年十五年四年春
庶子在齊公子子閔公僖公申子文公宣公倭成公黑襄公午子昭公孫于齊子哀公西狩獲
位十一彭生所啓方立立 興立 立 年肱立 立 稠立 在外七 蔣立 麟春秋
年弟桓搯殺子

公統統莊公同
兄自立立
一名允

位三十位三十

二年弟二年弟

定公宋定公宋

立立

位二十
七年

魯隱公	莊公	僖公	宣公	成公	襄公	昭公	定公	哀公	公孫
元年	元年	元年	元年	元年	元年	元年	元年	元年	元年
...

春秋齊國年表

齊 侯爵

姜姓四岳伯夷之後伯夷佐禹治水有功賜姓又曰
 呂侯其後太公望為周文武師尚父封於齊都營丘
 始太公望終康公貸凡三十君七百四十四年陳完
 之後田和滅之復仍齊號

魯隱公	莊公	僖公	宣公	成公	襄公	昭公	定公	哀公	公孫
元年	元年	元年	元年	元年	元年	元年	元年	元年	元年
...

九年公孫殺無十三公以為公舍立
八年無知明年卒諸侯子開昭公職所野立環立公光而立少子逆陽立
秋在所弒年公易牙伐齊方所弟商弒齊
位三而自子小刁立納孝弒弟人弒人立
十三自立自公子公昭昭公舍而懿公
年子莒入無虧齊人潘自立兄公
襄公齊是孝公殺無是為子元
諸兒為桓奔宋虧而懿公是為
立公立孝公昭是為惠公
公昭是為惠公

春秋晉國年表

晉侯爵

武王幼子成王同母弟叔虞封于唐又號晉都翼傳
世十一而至昭侯封文侯弟成師于曲沃晉始亂分
為二以翼曲沃別之後曲沃武公弒晉侯緡滅翼賂
釐王始列為諸侯國號晉至景公乃遷新田始叔虞
終靖公俱酒四十君凡七百四十一年韓趙魏三分

之

魯隱隱六桓四桓八即位即位隱六莊十僖九僖二僖三僖四僖五僖六僖七僖八僖九僖十僖十一僖十二僖十三僖十四僖十五僖十六僖十七僖十八僖十九僖二十僖二十一僖二十二僖二十三僖二十四僖二十五僖二十六僖二十七僖二十八僖二十九僖三十僖三十一僖三十二僖三十三僖三十四僖三十五僖三十六僖三十七僖三十八僖三十九僖四十僖四十一僖四十二僖四十三僖四十四僖四十五僖四十六僖四十七僖四十八僖四十九僖五十僖五十一僖五十二僖五十三僖五十四僖五十五僖五十六僖五十七僖五十八僖五十九僖六十僖六十一僖六十二僖六十三僖六十四僖六十五僖六十六僖六十七僖六十八僖六十九僖七十僖七十一僖七十二僖七十三僖七十四僖七十五僖七十六僖七十七僖七十八僖七十九僖八十僖八十一僖八十二僖八十三僖八十四僖八十五僖八十六僖八十七僖八十八僖八十九僖九十僖九十一僖九十二僖九十三僖九十四僖九十五僖九十六僖九十七僖九十八僖九十九僖一百

鄂哀侯
鄂子小
鄂侯
鄂子伯
鄂公
鄂子武
鄂子獻
鄂子惠
鄂子懷
鄂子文
鄂子襄
鄂子靈
鄂子成
鄂子景
鄂子厲
鄂子悼
鄂子平
鄂子昭
鄂子頃
鄂子定

名郤在位
孝侯九年
平子桓
也二年
年入沃
春人沃
隱五年
年曲沃
沃伐立
翼子其
命號王
公立弟
鄂侯是
之於子
光于
翼是
為哀
侯

伯爵

秦伯爵

嬴姓顓帝之後也殷有蜚廉周有造父周孝王使非
子畜馬蕃息分土為附庸邑之秦六世至襄公將兵
救周送平王東遷封為諸侯又六世至穆公任好始
入春秋始非子終莊襄凡三十七君六百四十二年

春秋秦國年表

秦伯爵

秦始皇三十四年始并天下呂冒嬴姓秦亡

隱元隱九桓九桓十莊十莊十莊三僖十文七宣元宣五成十昭六定十哀四
年
八年桓八十五至莊八十年至僖六年文十八年成十昭五年至哀三十四
年

文公寧公
出子武公
德公
宣公
襄成公
穆公
康公
共公
桓公
景公
哀公
惠公
悼公

襄公	在位	在位	在位	在位	在位	在位	在位	在位	在位	在位	在位	在位	在位	即位
子四	十二年	六年	二十二年	十二年	四年	十五年	十二年	四年	二十四年	十五年	九年	十一年	春	
十四	即	子出	子武德	公立	好立	見春	共公	公立	子景	哀公	孫惠	公立	秋終	
魯隱	子立	公立	公立	公立	公立	穆公	稻立	春秋	公后	立	公立	公立	已上	
元	在位	五年	十	十	十	十	十	十	十	十	十	十	十	
寧公	子立	立	立	立	立	立	立	立	立	立	立	立	立	

春秋楚國年表

楚子爵

芊姓自熊繹始受封八世至熊渠立其長子康為句
 亶王中子紅為鄂王少子執疵為越章王此僭王之
 始也又八世至熊儀是為若敖又二世至熊响是為
 蚡冒又一世熊通是為楚武王其先國于荆蠻後都
 郢國號楚始熊繹終負芻凡四十君八百九十三年
 秦滅之

魯隱	莊五	莊二	莊廿	文二	文廿	成元	襄十	襄廿	昭二	昭十	昭廿	哀七
元年	年至	十年	三年	年至	年至	年至	四年	九年	年至	四年	七年	年至
至莊	莊十	至廿	至文	十三	宣十	襄十	至廿	至昭	十三	至廿	至哀	十四
四年	九年	二年	元年	八年	三年	八年	元年	六年	六年	六年	六年	四年

魯隱元	隱四年	桓三年	莊三年	莊十二年	莊十二年	僖十年	僖二十年	文八年	文十七年	成三年	成十五年	昭十一年	昭廿一年	襄廿二年	襄廿三年	昭廿六年	昭廿七年	昭廿八年	昭廿九年	昭卅年	昭卅一年	昭卅二年	昭卅三年	昭卅四年	昭卅五年	昭卅六年	昭卅七年	昭卅八年	昭卅九年	昭卅十年	昭卅十一年	昭卅十二年	昭卅十三年	昭卅十四年	昭卅十五年	昭卅十六年	昭卅十七年	昭卅十八年	昭卅十九年	昭卅二十年	昭卅二十一年	昭卅二十二年	昭卅二十三年	昭卅二十四年	昭卅二十五年	昭卅二十六年	昭卅二十七年	昭卅二十八年	昭卅二十九年	昭卅三十年	昭卅三十一年	昭卅三十二年	昭卅三十三年	昭卅三十四年	昭卅三十五年	昭卅三十六年	昭卅三十七年	昭卅三十八年	昭卅三十九年	昭卅四十年	昭卅四十一年	昭卅四十二年	昭卅四十三年	昭卅四十四年	昭卅四十五年	昭卅四十六年	昭卅四十七年	昭卅四十八年	昭卅四十九年	昭卅五十年	昭卅五十一年	昭卅五十二年	昭卅五十三年	昭卅五十四年	昭卅五十五年	昭卅五十六年	昭卅五十七年	昭卅五十八年	昭卅五十九年	昭卅六十年	昭卅六十一年	昭卅六十二年	昭卅六十三年	昭卅六十四年	昭卅六十五年	昭卅六十六年	昭卅六十七年	昭卅六十八年	昭卅六十九年	昭卅七十年	昭卅七十一年	昭卅七十二年	昭卅七十三年	昭卅七十四年	昭卅七十五年	昭卅七十六年	昭卅七十七年	昭卅七十八年	昭卅七十九年	昭卅八十年	昭卅八十一年	昭卅八十二年	昭卅八十三年	昭卅八十四年	昭卅八十五年	昭卅八十六年	昭卅八十七年	昭卅八十八年	昭卅八十九年	昭卅九十年	昭卅九十一年	昭卅九十二年	昭卅九十三年	昭卅九十四年	昭卅九十五年	昭卅九十六年	昭卅九十七年	昭卅九十八年	昭卅九十九年	昭卅四十年
-----	-----	-----	-----	------	------	-----	------	-----	------	-----	------	------	------	------	------	------	------	------	------	-----	------	------	------	------	------	------	------	------	------	------	-------	-------	-------	-------	-------	-------	-------	-------	-------	-------	--------	--------	--------	--------	--------	--------	--------	--------	--------	-------	--------	--------	--------	--------	--------	--------	--------	--------	--------	-------	--------	--------	--------	--------	--------	--------	--------	--------	--------	-------	--------	--------	--------	--------	--------	--------	--------	--------	--------	-------	--------	--------	--------	--------	--------	--------	--------	--------	--------	-------	--------	--------	--------	--------	--------	--------	--------	--------	--------	-------	--------	--------	--------	--------	--------	--------	--------	--------	--------	-------	--------	--------	--------	--------	--------	--------	--------	--------	--------	-------

春秋宋國年表

宋公爵

子姓殷帝乙長子紂庶兄微子啓武王封于宋代武
 庚始微子終王偃凡三十二君八百二十九年齊楚

魏滅之

魯隱元	隱四年	桓三年	莊三年	莊十二年	莊十二年	僖十年	僖二十年	文八年	文十七年	成三年	成十五年	昭十一年	昭廿一年	襄廿二年	襄廿三年	昭廿六年	昭廿七年	昭廿八年	昭廿九年	昭卅年	昭卅一年	昭卅二年	昭卅三年	昭卅四年	昭卅五年	昭卅六年	昭卅七年	昭卅八年	昭卅九年	昭卅十年	昭卅十一年	昭卅十二年	昭卅十三年	昭卅十四年	昭卅十五年	昭卅十六年	昭卅十七年	昭卅十八年	昭卅十九年	昭卅二十年	昭卅二十一年	昭卅二十二年	昭卅二十三年	昭卅二十四年	昭卅二十五年	昭卅二十六年	昭卅二十七年	昭卅二十八年	昭卅二十九年	昭卅三十年	昭卅三十一年	昭卅三十二年	昭卅三十三年	昭卅三十四年	昭卅三十五年	昭卅三十六年	昭卅三十七年	昭卅三十八年	昭卅三十九年	昭卅四十年	昭卅四十一年	昭卅四十二年	昭卅四十三年	昭卅四十四年	昭卅四十五年	昭卅四十六年	昭卅四十七年	昭卅四十八年	昭卅四十九年	昭卅五十年	昭卅五十一年	昭卅五十二年	昭卅五十三年	昭卅五十四年	昭卅五十五年	昭卅五十六年	昭卅五十七年	昭卅五十八年	昭卅五十九年	昭卅六十年	昭卅六十一年	昭卅六十二年	昭卅六十三年	昭卅六十四年	昭卅六十五年	昭卅六十六年	昭卅六十七年	昭卅六十八年	昭卅六十九年	昭卅七十年	昭卅七十一年	昭卅七十二年	昭卅七十三年	昭卅七十四年	昭卅七十五年	昭卅七十六年	昭卅七十七年	昭卅七十八年	昭卅七十九年	昭卅八十年	昭卅八十一年	昭卅八十二年	昭卅八十三年	昭卅八十四年	昭卅八十五年	昭卅八十六年	昭卅八十七年	昭卅八十八年	昭卅八十九年	昭卅九十年	昭卅九十一年	昭卅九十二年	昭卅九十三年	昭卅九十四年	昭卅九十五年	昭卅九十六年	昭卅九十七年	昭卅九十八年	昭卅九十九年	昭卅四十年
-----	-----	-----	-----	------	------	-----	------	-----	------	-----	------	------	------	------	------	------	------	------	------	-----	------	------	------	------	------	------	------	------	------	------	-------	-------	-------	-------	-------	-------	-------	-------	-------	-------	--------	--------	--------	--------	--------	--------	--------	--------	--------	-------	--------	--------	--------	--------	--------	--------	--------	--------	--------	-------	--------	--------	--------	--------	--------	--------	--------	--------	--------	-------	--------	--------	--------	--------	--------	--------	--------	--------	--------	-------	--------	--------	--------	--------	--------	--------	--------	--------	--------	-------	--------	--------	--------	--------	--------	--------	--------	--------	--------	-------	--------	--------	--------	--------	--------	--------	--------	--------	--------	-------	--------	--------	--------	--------	--------	--------	--------	--------	--------	-------

春秋陳國年表

入春子莊	公子人伐	父立	執十月	白立	之而立	立	立	一名
秋在公馮	遊	歸之	二月	昭名瑕	公弟	鮑是	公	頭曼
位九立	于遊	在位	歸之	昭名瑕	公弟	鮑是	公	頭曼
年兄	而宋	十四	在位	昭名瑕	公弟	鮑是	公	頭曼
子錫	閉公	年卒	十四	昭名瑕	公弟	鮑是	公	頭曼
公與	弟御	子成	十四	昭名瑕	公弟	鮑是	公	頭曼
夷立	說是	公王	十四	昭名瑕	公弟	鮑是	公	頭曼
	為桓	臣立	十四	昭名瑕	公弟	鮑是	公	頭曼

春秋陳國年表

陳侯爵

媯姓舜後虞幕裔孫闕父之子胡公滿武王克殷求舜後封于陳以舜微時居媯始胡公滿至閔公秘凡二十四君六百四十五年楚惠王滅之

魯隱元	桓六年	桓十三	莊元年	僖十三	僖二十一	文十四	宣十一	襄五年	昭二年	定五年	定九年
年至桓	至十二	年至莊	至僖十	年至二	年至九	年至五	年至宣	年至襄	至昭元	至定四	至八年
五年	年	元年	二年	十八年	文二十年	四年	年	年	年	四年	年
名鮑文	在位七	在位七	在位四	在位十	在位十	在位十	在位三	在位三	哀公孫	在位四	在位二
公圍子	年弟莊	年子宣	十五年	六年子	八年子	五年為	十年子	五年弟	在位二	年子閔	十一年
桓公三	公林立	公杵臼	子穆公	共公朔	靈公平	夏徵舒	哀公溺	公子招	十四年	公越立	春秋終
十二年	立	立	立	立	立	立	立	立	立	立	立

春秋左傳卷之二十一

入春秋
在位三
十八年
陳佗殺
太子免
而自立
是為厲
公明年
蔡人殺
陳佗而
立公子
躍亦為
厲公

年楚子
殺微舒
乃復封
陳召公
成午于
晉而立
之

太子偃師
而立公子
留哀公
緜陳人使
于微師
于楚公子
勝翹之楚
人殺微師
公子留奔
鄭陳殺於
子過楚
滅陳於公
子招子趙
自是陳滅
五年楚靈
王死平王
即位復封
悼太子之
子吳于陳

楚惠至
使公孫
朝滅之

春秋蔡國年表

蔡 侯爵

武王封弟叔度于蔡監殷後與管叔流言作亂放之
於郭鄰其子胡率德改行周公舉為魯卿士復封於
蔡是為蔡仲始叔度終侯齊凡二十五君六百七十
五年楚惠王滅之

魯隱元	隱九年	桓十八	莊二十	僖十五	文十六	宣十八	襄二十	昭十二	昭廿一	昭二十	哀五年
年至八	至桓十	年至莊	年至僖	年至文	年至宣	年至襄	一年至	年至二	年至三	年至四	年至十四
年	七年	十九年	十四年	十五年	十七年	三十年	昭十年	十年	十三年	哀四年	年
公	桓	哀	穆	莊	文	景	靈	平	悼	昭	成
侯	侯	侯	侯	公	公	公	公	公	公	公	公

名考文在位二即位十在位二在位三在位二在位四在位十在位八在位三在位二即位十
一名措十二年九年九十九年十四年十年子十九年二年楚年太子年弟昭十八年春秋

父戴公子哀侯月制敗于莊公子文公景公固
 子二十獻舞立蔡師于甲午立申立立
 八年入世系云莘虜哀
 春秋在桓侯弟侯九年
 位三十卒于楚
 五年子在位二
 桓侯封十年子
 人立穆侯聘立

世子靈靈王使朱立是公申立諸大夫終
 公般弒子慶誘年冬楚
 之自立而殺之費無極
 考世系是年冬受平公
 云景公楚子滅弟悼公
 少子蔡執蔡東國賂
 世子有欲立之
 以歸用因以圖
 之是為蔡懼蔡
 隱太子人蔡人
 後二年出未而
 楚子立立東國
 隱太子一云東
 子廬是國靈公
 為平公孫平公
 一云平殺隱太
 公乃景子有故
 公少子有子殺
 平公子而自立

魯隱元 隱五年 桓十三年 桓十六年 莊二十二年 僖元年 僖二十一年 成三年 成十五年 襄十四年 襄三十年 昭八年 哀三年
 年至四 至桓十年 年至莊六年 至二十六年 至成二十一年 至襄十四年 年至昭二十一年 至哀三年

春秋衛國年表

衛 侯爵

武王弟康叔成王封于衛始康叔終衛君角凡四十
 一君九百七年秦二世滅之

桓公 衛君 宣惠公 衛君 懿公 文公 成穆公 定公 獻公 襄公 靈公 出公

名完莊在位八在位十 即位四名豎年 在位九 懿九年 在位二 即位三 在位十 即位十 在位十 在位九 在位四 即位十
 公之子月衛人九年少 年左右宣公子年秋入 十二月十五年晉文一年子二年子八年孫二年甯年庶子十二年二年春
 十三年殺之石子惠公 公子攻惠公四衛殺之 即位十子成公公伐之定公城獻公衍文子林喜弒之靈公元 太子蒯秋終十
 入春秋 碁立桓 朔立 之出奔年左公遂滅衛餘日而鄭立攻 出奔楚立 立
 在位十 公弟晉 齊至于子洩右齊宋立 卒齊復世系云元暉立 立
 六年桓是魯 一年齊公子職駘年弟立戴公是文公叔武六 公出 子殖攻 公出 復入出

左氏兵法則要 卷之二

公弟州公

叶賦之
自是是
為衛君

立惠公之惠昭伯頑弟般是弟

公復入十年惠子戴公為文公

在位三公自齊申廬子

十一年復入遂潛

子懿公奔周

赤立

月公復

歸殺叔

武元頃

奔晉訟

公晉人

執公歸

之于京

師元頃

歸于衛

立公子

假五年

公復歸

殺元頃

及公子

假在位

三十五

年子穆

公邀立

齊定公

弟劓公

剽立一

名秋自

後獻殤

二公各

自紀年

獻三十

年當喜

弒剽獻

復入在

位三十

三年子

襄公惡

立

公每魯

春秋鄭國年表

鄭伯爵

厲王之子宣王庶弟封於鄭始桓公友至康公乙凡

二十三君四百三十年韓哀侯滅之

魯隱	桓十	桓十	桓十	莊二	僖三	宣四	宣四	成五	成七	襄三	襄八	昭十	定十	哀八
元年	一年	年至	七年	八年	十二	十三	年	年至	五年	年至	五年	年至	三年	年至
至桓	至十	莊二	至十	莊年	年至	三	成四	六年	襄二	七年	昭十	至定	哀七	十四
十年	七年	十一年	八年	十四	僖三	宣三	年	成四	六年	襄二	七年	昭十	至定	哀七
年	年	年	年	年	年	年	年	年	年	年	年	年	年	年

名寤	即位	即位	四	莊公	子豐	在位	在位	在位	在位	在位	在位	在位	在位	在位
武公	攝	年	厲公	昭公	弟	在位	在位	在位	在位	在位	在位	在位	在位	在位
突子	三	突入	公	昭公	弟	在位	在位	在位	在位	在位	在位	在位	在位	在位
十三年	出	奔	衛	厲公	出	在位	在位	在位	在位	在位	在位	在位	在位	在位
入春秋	五年	公	奔	蔡	是	七月	傅	瑕	公	蘭	公	夷	生	所
費	立	立	立	立	立	立	立	立	立	立	立	立	立	立

左氏春秋法則要

卷之二

十一

在位四端是年復入齊人弒之立
 十三年突入于干櫟二殺之
 子昭公櫟是後十一年祭仲
 忽立昭公厲厲公自立子
 公谷自櫟侵鄭儀
 紀年昭櫟侵鄭儀
 公二年及六陵
 高渠彌獲傅瑕
 弒昭公六月瑕
 立子盪殺子儀
 秋齊人而納厲
 殺子亮公前後
 而祭仲在位及
 立子儀居櫟共
 明年子儀居櫟共
 儀元年二十八
 即厲公年卒子
 八年子文公捷
 儀十四立
 年傅瑕
 弒之而
 立厲公

弒鄭
 人欲
 立子
 良子
 良辭
 乃立
 靈公
 庶弟
 堅是
 為衰
 公

立一及鄭立
 名暉子駟
 使往
 弒之
 而立
 僖公
 子嘉
 是為
 簡公

春秋滕國年表

滕 侯 爵

文王子叔繡之後封於滕魯隱七年始見春秋其後
 稱子

滕侯	宣公	昭公	文公	成公	悼公	頃公	隱公
魯隱七年魯隱十一年名毛魯文在位十五年	魯隱十一年名毛魯文在位十五年	魯昭二年昭原立	魯宣十年成十七年昭四年至昭二十九年哀五年至至成十六至昭三年二十八年年至哀四十四年	魯宣十年成十七年昭四年至昭二十九年哀五年至至成十六至昭三年二十八年年至哀四十四年	魯宣十年成十七年昭四年至昭二十九年哀五年至至成十六至昭三年二十八年年至哀四十四年	魯宣十年成十七年昭四年至昭二十九年哀五年至至成十六至昭三年二十八年年至哀四十四年	魯宣十年成十七年昭四年至昭二十九年哀五年至至成十六至昭三年二十八年年至哀四十四年
二月書滕侯卒子宣公嬰齊立	九年宋人公來朝宣原立	九年宋人公來朝宣原立	九年宋人公來朝宣原立	六年子悼公寧立	五年子頃公結立	三年子隱公虞母立	即位十年春秋終
齊不書卒文公繡立	齊不書卒文公繡立	齊不書卒文公繡立	齊不書卒文公繡立	齊不書卒文公繡立	齊不書卒文公繡立	齊不書卒文公繡立	齊不書卒文公繡立

春秋曹國年表

曹伯爵

武王弟叔振鐸始封于曹始振鐸終伯陽凡二十五君六百三十六年宋景公滅之

魯隱桓十年	至桓十一年	至莊十四年	至僖七年	至文九年	至宣十三年	至襄十四年	至昭十五年	至昭十九年	至昭二十八年	至定元年	至定五年	至定九年
桓公	莊公	僖公	昭公	共公	文公	宣公	成公	武公	平公	悼公	聲公	隱公
名終在位	在位	在位	在位	在位	在位	即位	在位	在位	在位	在位	在位	在位
生穆三十八年	昭子九年	昭子九年	共八年	文二十三年	宣十七年	晉文七年	悼子聲九年	為弟聲四年	伯年	宋景公		
子三子	僖公	班公	襄子	文子	宣成公	公執子平	公午	公野	通所弟	露陽	立景公	

十五公夷立	立	公壽公廬	負芻	之	歸公須	立	立	弑而弑隱	入曹
春秋入位	立	立	立	師三	歸	立	立	自公而	以曹
五年十	立	立	立	年歸	歸	立	立	是為自立	伯陽
在位	立	立	立	師在	歸	立	立	隱公是為	歸曹
五	立	立	立	年歸	歸	立	立	靖公是為	歸曹
子莊	立	立	立	立	歸	立	立		
公射	立	立	立	立	歸	立	立		
始立	立	立	立	立	歸	立	立		

春秋杞國年表

杞 侯爵

姒姓其先夏禹之後殷時或封或絕周武王克殷求禹之後得東樓公封之于杞以奉夏后氏祀受封傳

五世至武公入春秋始稱伯後稱子

魯隱桓九	莊十	莊廿	僖七	僖廿	襄七	襄廿	昭七	昭廿	定四	定五	哀九
元至	元至	元至	元至	元至	元至	元至	元至	元至	元至	元至	元至
八年	三年	一年	六年	三年	六年	四年	四年	年	年	年	年
武公靖公	共公惠公	成公桓公	孝公文公	平公悼公	隱公僖公	閔公					
十二	在位	在位	在位	在位	在位	在位	在位	在位	在位	在位	即位
年入	二十	八年	十八	五	七	十	十四	十八	十二	四年	十九
春秋	三年	子惠	年成	無名	年子	年弟	年弟	年子	年子	七月	年子
在位	子其	公立	公立	在位	孝公	文公	平公	悼公	隱公	弟過	閔公

魯隱元	莊十七	莊二十	文十四	成十八	襄十八	昭二年	定四年
至莊	年至二	九年	年至成	年至襄	年至昭	至定三	至哀十
十六年	十八年	文十三年	十七年	十七年	元年	年	年
名克在	在位十	在位五	在位四	即位十	即位二	在位三	即位十
位二十	二年子	十一年	十年子	六年晉	年晉人	十四年	八年晉
八年子	文公籛	子定公	宣公癸	人執宣	執悼公	子隱公	人執
瑣立	條立	穰立	立	公歸明	在位十	立	人執
子邾	子邾	公文	公定	公宣	公悼	公莊	公隱

春秋邾國年表

邾子爵

曹姓其先顓頊後陸終第五子晏安苗裔周武王克商封曹挾于邾邾子儀父克始見于春秋克後九世桓公革為楚所併

魯隱元	莊十七	莊二十	文十四	成十八	襄十八	昭二年	定四年
至莊	年至二	九年	年至成	年至襄	年至昭	至定三	至哀十
十六年	十八年	文十三年	十七年	十七年	元年	年	年
名克在	在位十	在位五	在位四	即位十	即位二	在位三	即位十
位二十	二年子	十一年	十年子	六年晉	年晉人	十四年	八年晉
八年子	文公籛	子定公	宣公癸	人執宣	執悼公	子隱公	人執
瑣立	條立	穰立	立	公歸明	在位十	立	人執
子邾	子邾	公文	公定	公宣	公悼	公莊	公隱

年卒在位十七年	公華立	莊公穿	五年子	明年歸
年卒在位十七年	公華立	莊公穿	五年子	吳又討
年卒在位十七年	公華立	莊公穿	五年子	邾子因
年卒在位十七年	公華立	莊公穿	五年子	諸樓臺
年卒在位十七年	公華立	莊公穿	五年子	柝之以
年卒在位十七年	公華立	莊公穿	五年子	棘使諸
年卒在位十七年	公華立	莊公穿	五年子	大夫奉
年卒在位十七年	公華立	莊公穿	五年子	太子革
年卒在位十七年	公華立	莊公穿	五年子	以為政
年卒在位十七年	公華立	莊公穿	五年子	魯哀十
年卒在位十七年	公華立	莊公穿	五年子	年來奔
年卒在位十七年	公華立	莊公穿	五年子	又四年
年卒在位十七年	公華立	莊公穿	五年子	春秋終

春秋莒國年表

莒子爵

已姓其先出少昊之後周武王封茲輿期於莒

魯文十八年	宣元年至成十四年	成十四年	至襄三十一年	昭元年	昭二年至十四年	昭十五年	昭十五年
紀公	渠丘公	黎比公	展輿	著丘公	郊公	共公	
名庶其魯魯成十四年	在位三十五年	在位三十五年	在位三十五年	在位三十五年	在位三十五年	在位三十五年	在位三十五年
文十八年	莒子朱	五年魯襄	奪羣公子	年子郊公	郊公不感	國人逐之	國人逐之
莒太子弒	卒一名渠	十六年為	秩公子召	立	因出郊公	而立著丘	而立著丘
之少子季	丘公子黎	晉所執至	去疾于齊	立	而立著丘	而立著丘	而立著丘
佗立	比公密州	襄三十一	展輿奔吳	立	而立著丘	而立著丘	而立著丘
	立一名買	年子展輿	去疾立是	立	而立著丘	而立著丘	而立著丘
	朱鉏	弒之而自	為著丘公	立	而立著丘	而立著丘	而立著丘
		立	魯昭十四	立	而立著丘	而立著丘	而立著丘
			年著丘公	立	而立著丘	而立著丘	而立著丘
			卒年表云	立	而立著丘	而立著丘	而立著丘

展輿復立

終立至春秋

与致其夫出少

莒子

春秋莒國年表

春秋薛國年表

薛侯爵

任姓其先黃帝之後奚仲封于薛夏所封在周前無

考春秋後二世齊滅之

魯隱十年至莊三十一年 莊三十二年 昭三十二年 定十二年 至哀十年

薛侯

魯隱十年書來朝莊三十年書卒

獻侯

魯昭三十一年書卒子襄公定立

襄公

在位二年子比立

君比

在位一年國人弑之襄公子夷立

惠公

在位十二年卒後四年春秋終

春秋許國年表

許男爵

姜姓其先出自堯四岳伯夷之後周武王封其苗裔
 文叔于許以續大岳之嗣春秋國小近鄭鄭滅之以
 其國為俘邑後附楚楚遷之于城父又遷于白羽又
 遷于葉

莊公	穆公	僖公	昭公	靈公	悼公	許公	元公
魯僖五年文六年至宣十八年	至文五年宣十七年	至襄二十六年	襄二十七年昭二十年至定六年哀十三年	至定六年哀十三年	至定六年哀十三年	至定六年哀十三年	至定六年哀十三年
名弗魯隱各新臣魯在位三十在位三十	在位三十	在位四十	在位十九即位十九在位二十	在位十九即位十九在位二十	在位十九即位十九在位二十	在位十九即位十九在位二十	在位十九即位十九在位二十
十一年見莊十五年	四年子昭年子靈公	五年子悼年夏悼公年鄭游速八年元公	公買立	癯飲太子帥師滅許卒明年春	止之藥而以許男斯	秋終	
春秋	書許叔入公錫我立	立	立	立	立	立	
千許魯僖	立	立	立	立	立	立	

四年穆公卒于師僖公葉立

非公 魯公

魯公

魯公

魯公

魯公

魯公

卒太子奔歸悼公子晉悼公次元公成立子許公斯

魯于萊

其國為魯

文對于萊

魯其出

小邾

曹姓顓頊之後魯莊公五年書邾黎來來朝蓋附庸而未爵命其後數從齊桓公尊王室王命為諸侯至魯僖公七年始書小邾子魯襄公元年始書穆公來朝魯昭公十七年又書穆公來朝

越子爵 附見

姒姓其先禹之苗裔少康之庶子也封于會稽以奉禹祀後二十餘世至于允常魯昭公五年偕楚伐吳始見春秋允常與闔廬戰而相怨伐定公十四年允常卒子勾踐立是為越王是年吳伐越敗之于檇李

太子申生 將上 軍至 文公 三年 作三 軍皆 使其 卿將 之惟 中軍 為最 重

以伐三年來衛鄭荀桓八年政還
曹衛先且許救成子取奕武即知三年
即先居與鄭帥師赤狄子中武子中行
軫秦戰六年救鄭千曲行偃十年獻子
四年于彭秦伐 梁弒厲知武伐齊
作三衛秦晉趙 七年公子伐齊師
行秦師宣子 士會即中秦遁
七年是年帥師 將中行獻十一年
作冬先與秦 軍帥子年知中行
軍且居人戰 赤狄 武子獻子
會宋于河 即范 與諸卒是
陳鄭曲 鄭 侯戌年士
人伐八年 武子 鄭 師
秦取趙宣 范武 年知濟至
注及子與 子請 武子穀而
彭衙諸侯 老卻 卒荀還
而還之師 克為 偃將即范
七年八百 政 中軍宣子
夷舍乘納 即卻 即中十年
使狐捷菑 獻子 行獻趙武

鮮虞七年 范獻 子帥 師圍 鮮虞 十年 齊伐 魯范 獻子 帥師 救之 十二年 范 獻子 帥師 圍衛 十五年 趙 鞅 即趙

射姑于邾 將中弗克 軍趙納 盾佐十三 之陽年楚 處父鄭侵 黨趙陳趙 氏以宣子 趙盾帥師 為賢救陳 及蒐十四 于董年趙 遂以穿弑 盾將靈公 中軍于桃 而使圍太 狐射史董 姑佐狐端 之趙獄于 氏于趙宣
十一年 獻子 會魯 衛曹 師戰 于鞍 敗齊 師 十二年 師 十二年 獻子 伐厲 各如 是年 十二月 晉 作六 軍 十三
子 執政 十四 武子 行獻十七 子帥年趙 諸侯文子 伐秦卒是 年韓 起為 政 即宣 子

入于 晉陽 以叛 是年 冬遂 范中 行氏 趙簡 子復 婦于 晉從 韓魏 之請 也自 是知 氏韓 魏趙 氏並 強分

是始子書
專國曰趙
政眉弒
即趙其君
宣子
年許鄭
伐書
將中
軍救
許伐
鄭取
汜祭
即祭
十五年
楚伐
鄭祭
武子
救鄭
十七年
祭武
帥師
蔡師
蔡武
六年
祭武
子帥
師鄭
晉之勢成矣

春秋楚國執政年表

楚之右尹司馬之屬皆貴官也然惟為令尹者執政

魯莊四年	王武	六年令尹元
年楚武	王文	尹子元
王三侵	王堵	帥師伐大孫
隨王卒	王成	鄭王之子也
于軍令	王穆	八年申帥師滅
尹闞祈	王莊	公闞班六
秘王喪	王共	殺子元十年大
為奇兵	王康	闞殺於孫伯敗
以臨隨	王郊	闞殺於孫伯敗
隨人請	王靈	蒐為令麋師干
成與盟	王平	尹即子文防渚
而還	王昭	十六年十一
	王惠	子文滅令尹大
		孫伯卒氏
		族盟于馬使遷子
		尹即子晉襄瓦為奔鄭

三十二成嘉為十六年 陵是年吳馮即達
 年隨叛令尹即為艾儼 用申公巫子偽為
 楚子文子孔犇為令尹 臣之謀入疾辭之
 帥師伐舒叛楚即孫叔敖 州來子重乃使公
 之取成夏子孔為賈子也 自鄭奔命子追舒
 而還 執舒子 子重及子為令尹
 三十五平及宗 反乎是乎即子南
 年成得子遂圍 一歲七奔 九年殺
 臣即子玉巢 命 子南復
 帥師伐 九年子重使遣子
 陳取焦 侵陳以救馮為令
 夷城頃 鄭是年子尹
 而還子 重自陳伐十二年
 文以為 莒莒潰遂 蓬子卒
 之功使 入鄆 屈建為
 為令尹 十七年子令尹帥
 三十七 重救鄭師 師滅舒
 年子玉 于首止 鳩即宋
 圍陳納 十八年子 十五年
 頃子于 重伐宋 子木卒
 頃

公子奔令尹即 十一年
 疾殺二子常 王復國
 子而自 子西為
 立 令尹

三十八 子重帥師
 年子玉 伐吳為吳
 滅夔以 所敗子重
 夔子歸 歸吳旋伐
 是年冬 楚取駕楚
 子玉帥 人咎子重
 師伐宋 子重憂患
 圍緡 而成心疾
 三十九 卒壬夫為
 年成王 令尹即子辛
 將闔宋 二十三年
 使子玉 殺子辛以
 治兵于 陳叛故公
 為 子貞為令
 四十年 尹即子囊
 子玉帥 是年子囊
 師與晉 帥師伐陳
 侯及齊 二十四年
 宋秦師 子囊圍陳
 戰于城

濮敗績
殺之
四十五
年令尹
鬬勃即
子上帥
師侵陳
蔡陳蔡
成遂代
鄭是平
晉陽處
父侵蔡
子上救
之將涉
抵用大
孫伯謀
而退舍
太子商
臣譖殺
之

二十六年
子囊帥師
伐鄭
二十八
年子囊
帥師
伐宋是
年冬子
囊帥
師救鄭
二十九年
子囊會
秦師伐
鄭鄭
伯逆之
遂伐宋
三十年子
囊帥師
侵宋

歲星圖說



本氏身河漢

三
岁星一

隱元年歲在豕韋一名陬訾之口襄十八年天道多在西北

桓元年歲在玄枵昭十年歲在顯頊之虛

莊元年歲在鶉火二十三年超在實沈

閔元年歲在大梁

僖元年歲在鶉首

文元年歲在降婁

宣元年歲在壽星

成元年歲在降婁

襄元年歲在壽星二十八年歲在星紀淫于玄枵三十年歲在陬訾之口明年乃及降

婁一年歲星在豕韋也又曰歲在大梁蔡復楚凶

昭元年歲在大梁八年史趙曰今在析木之津十五年有事于武功之歲合在鶉首

而超居鶉火十三年蔡復楚凶謂大梁也二十二年越得歲在星紀則二十五年

定元年歲在玄枵而歷數之則此年始至析木之津

哀元年歲在大梁紀者歲行一次舉大數耳其實一

歲之行有餘一次故劉歆三統之術以為歲星一

四十四年行天一百四十五次計一千七百二

左氏春秋卷之二

三

年歲在豕韋一名阪訾之口道多在西

和元年歲在亥枵昭十年歲在

歲元年歲在亥枵昭十年歲在

歲元年歲在亥枵

大梁也 而歲或歸火十三年

和元年歲在大梁五平百事干五世之歲合并與首

和元年歲在壽星

和元年歲在壽星十平歲并淵訾之口四平八又利

孔疏云十一年傳稱萇弘對景王曰歲在豕韋言

十一年歲星在豕韋也又曰歲在大梁蔡復楚凶

謂十三年歲星在大梁也十三年距此十九年耳

歲星歲行一次十二年而行天一周則二十五年

復在大梁從彼而歷數之則此年始至析木之津

而此年數在星紀者歲行一次舉大數耳其實一

歲之行有餘一次故劉歆三統之術以為歲星一

百四十四年行天一百四十五次計一千七百二

十八年為歲星歲數言數滿此年剩得行天一周

三統之歷以庚戌為上元從上元至襄二十八年

積十四萬二千六百八十六歲置此歲數以歲星

歲數一千七百二十八除之得積終八十二去之

歲餘九百九十以一百四十五乘歲餘得十四萬

三千五百五十以一百四十四除之得九百九十

六為積次不盡一百二十六為次餘從襄二十八

年至昭十五年合有一千八年歲星年行一次年

有一餘以次加次得一千一十四以餘加餘得一

百四十四餘數滿法又成一次以從積次得一千

一十五也以十二去之餘餘次一百四十四周七

个一百四十四年還得剩行天一周也餘七命起

星紀算外得鶉火是昭十五年歲星在鶉火也計

十三年在大梁十五年當在鶉首而在鶉火者繇

餘分數滿剩得一次猶如閏餘滿而成月也以十

五年歲在鶉火歷而數之則二十七年復在鶉火

凡各家所算年。歷諸星精諸貴神各有本命或

舒或縮或定或變。歷幾年而為一周。自上古所

得為大周。除大周外。為小周。小周如大周之數

其不及。小周者。為周餘。每餘幾年。自命起。某宮

算之。即知此年。在幾宮也。然則大周合得。十

四萬餘年。乃術者遠為之。辨耳。其實不必算。其

有無。竟以小周起。法足也。此論歲星。大小周外

與余所學數理相同

故此年在星紀也。于十二次分野星紀是吳越之分也。歲星是天之貴神。所在之次其國有福。今越得歲星。故吳伐之則凶也。吳越同分而云越福吳凶者。以吳先用兵。故反受其殃。鄭玄云：天文分野。一利一害也。至于用兵。當論主客。玉帳篇云：安斗主吳。牽牛主越。此是歲星在牽牛。故吳伐之凶。案史傳所云：吳越同分。不言于次舍之內。更復分星。姜氏任氏共守玄枵。復以何星主齊。何星主薛也。且據三統之術。星紀之初斗十二度。至于牽牛。

初度。乃為申耳。十五年餘分始滿。則此年之初歲星初入此次。伐越在夏。未得已。至牽牛。鄭之此說。為妄之甚也。

尚書攷靈曜云：木星所在國不可伐。而可以伐人。超舍而贏。還舍而縮。出入不當。其次必有天妖。

廣雅：歲星謂之重星。或謂之應星。
歲星為木星。故主東方。
 星經曰：歲星主泰山。徐州。青州。兖州。熒惑主霍山。揚州。荊州。交州。鎮星主嵩高山。豫州。太白金主華陰。

山涼州雍州益州辰星主恒山冀州幽州并州歲

亦東方之宿

星主角亢氏房心尾箕熒惑主鬼柳星張翼軫鎮

星主東井太白金奎婁胃昴畢觜參辰星主斗牛

女虛危室壁

杜牧孫子註準星經曰歲星所在之分不可攻攻

之反受其殃也李淳風曰天下誅秦歲星聚于東

高祖入關歲星聚于東井此應高祖不應秦

井秦政暴虐失歲星仁和之理違歲星恭肅之道

也且其占言所在之國其王當以義取天下正

拒諫信讒是故胡亥終于滅亡復曰歲星清明潤

言高祖之事秦取天下已久不當應此占張具

澤所在之國分大吉君令合于時則歲星光明年

從項羽客說之從高祖亦舉斯會矣

豐人安君尚暴虐令人不便則歲星失色芒角而

此言依于儒者故為遷就之詞

怒則兵起繇此言之歲星所在或有福德或有災

祥豈不皆本于人事乎夫吳越之君德均勢敵闔

閭興師志于吞滅非為拯民故歲星福越而禍吳

秦之殘酷天下誅之上合天意故歲星禍秦而祚

漢熒惑罰星也宋景公出一善言熒惑退移三舍

若盡爾也何用占天耶

而延二十七年以此推之歲為善星不福無道火

為罰星不罰有德。舉此二者。其它可知。
 天元玉曆祥異賦云。歲星為福。其占在春。白無光。
 風雨總至。赤有角。早暖早臻。色黑有非時之冷。色
 青為應候之溫。初出小而日益。大國利之本。初出
 大而日漸小。國耗之。因去其舍而所去之國為兵
 為飢。失地之害。之他舍而所至之地。為慶為樂。得
 地之忻。未當居而居。當去而不居者。皆為福慶。未
 當去而去。當居而不居者。其國凶屯。所衝之方。乃

此論其精
奇門專論所衝

○之方○背○吉○向○凶○往○往○致○勝○也

有殃咎所在之國。可以伐人。又曰。東方歲星名曰
 木精。蒼帝之子。大而圓明。所在分野。莫與之爭。
 觀象玩占。石氏曰。歲星順行列宿者。喜也。逆行有
 所凌犯。皆為凶災。又曰。歲星順則兵宐進。逆則兵
 宐退。歲星逆行。其國不可以戰。又曰。君令逆。則歲
 星逆行。逆行入陰。內事逆。逆行入陽。外事逆。逆行
 則五穀不登。有逐臣。郟萌。又曰。歲星逆行。當遲而
 疾。一次二次。則主人驚走。社稷危。天下兵起。

玉海三禮義宗曰歲星為陽太歲為陰今曆太歲

所謂合辰者子與丑合寅與亥合之類也言

不與歲星合辰大衍曆議曰太初三統曆歲星十

太歲在子則歲星當在丑也

二歲周天超一次推商周間事大抵皆合驗開元

注記差九十餘度蓋不知歲星後率故也建極麟

德曆七周天超一次以推漢魏事尚未差曆驗春

秋所載亦差九十餘度蓋不知歲星前率故也天

保天和曆得二率之中故上合于春秋下猶密于

記注以推永平黃初間事遠者或差二十餘度蓋

不知戰國後歲星變行故也陳氏曰步五星之

法莫難于火莫易于木雖見伏留行逆順遲速五

者皆然而前後之數惟火為多端木謂之歲者以

一朞一次十有二次而周天指諸掌而可定也夫

以易推之星而見于左氏史記二家之所載則有

甚難曉者焉襄二十八年其在年表則丙辰也歲

在星紀而淫于玄枵非梓氏之云乎辰而在丑巳

而在子矣越三歲而戊午也歲在姬訾之口其明

年乃及降婁。非禪竈之云乎。午而在亥。未而在戌。矣。逮昭之八年丁卯也。今在析木之津。非史趙之云乎。卯而在寅矣。故杜預于襄之十八年丙午也。釋董叔天道西北之語。而知其歲在豕韋。豕韋者何。亥之謂也。懾提格歲。歲陰左行。在寅星右轉。居丑。單閼歲在卯星居子。執徐歲在辰星居亥。大荒落歲在巳星居戌。加左氏之說。則寅而在卯。午而在亥矣。如司馬之說。則寅而在丑。辰而在亥矣。以

次推之皆不同焉。程氏曰。按三統曆法。歲星一

年而行一次。一次分爲一百四十四分。其實歲星

一年而行四十五分。然則每歲而剩一作一分。

百四十四年而滿本數。所以每一百四十年而超

一次也。

虎鈴經五星統論云。歲星之行也。大陰在四仲。則歲行三宿。大陰在四孟及四季。則歲行二宿。行二十八宿十二歲而周天也。

史記陳餘襲常山王張耳張耳敗走念項王強立

吾吾欲之楚甘公曰文穎曰善說星者甘氏也漢王之入關五

星聚東井東井者秦分也先至必霸楚雖強後必

屬漢耳走漢

魏志註夫得歲星者道始興晉武王伐殷歲在鶉

火有周之分野也高祖入秦五星聚東井有漢之

分野也今茲歲星在大梁有魏之分野也而天之

瑞應並集來臻四方歸附襁負而至兆民欣戴咸

樂嘉慶神又蘇林董巴上表曰天有十二次以為

分野王公之國各有所屬周在鶉火魏在大梁歲

星行歷十一次國天子受命諸侯以封周文王始

受命歲在鶉火至武王伐紂十三年歲星復在鶉

火故春秋傳曰武王伐紂歲在鶉火歲之所在即

我有周之分野也晉光初七年歲在大梁武皇始

受命為時將討黃巾是歲改年為中平元年建安

元年歲復在大梁陛下受命此魏得歲與周文王

受命相應。今年青龍在庚子。詩推度災曰。庚者更也。子者滋也。聖命天下治。又曰。顓頊受命歲在豕。韋衛居其地。亦在豕。韋故春秋傳曰。衛顓頊之墟也。今十月斗之建。則顓頊受命之分也。始魏以十月受禪。此同符始祖受命之驗也。
載記石季龍將伐燕。太史令趙攬固諫曰。燕地歲星所守。行師無功。必受其禍。季龍怒鞭之。黜爲肥如長進師攻棘城。旬餘不尅。慕容皝遣子恪師胡

星十

騎二千。晨出挑戰。諸門皆若有師出者。四面如雲。季龍大驚。弃甲而遁。于是召趙攬復爲太史令。符堅欲有事于東南。太子宏進曰。吳今得歲不可伐也。堅曰。往年車騎滅燕。亦犯歲而捷之。天道幽遠。非汝所知。弗從。果敗。
華陽國志云。王濬將征吳。問靳普。今行何如。普對曰。客星伏南斗中。而太白歲星在西方。占曰。東方之國破。必如志矣。

然燕後卒復亦以得歲故也

南史沈攸之于廢帝之頒欲起兵問星人葛珂之

珂之曰起兵皆候太白大白見則成伏則敗晉桂

陽以太白伏時舉兵一戰授首此近世明驗今蕭

公廢昏立明正逢太白伏時此與天合也且太白

尋出東方利用兵西方不利故攸之止不下及後

舉兵珂之又曰今歲星守南斗其國不可伐攸之

不從果敗

魏書世祖議擊蠕蠕太史張淵徐辯說世祖曰今

年巳巳三陰之歲歲星襲月太白在西方不可舉

兵北伐必敗雖尅不利于上世祖意不決乃召崔

浩與淵等辯之浩難淵曰陽者德也陰者刑也故

日食修德月食修刑夫王者之用刑大則陳諸原

野小則肆之市曹戰伐者用刑之大者也以此言

之三陰用兵蓋得其類修刑之義也歲星襲月年

飢民流應在他國遠期十二年太白行蒼龍宿于

于文為東不妨北伐臣觀天文比年以來月行掩

非官各司其事

門陰符書中詳言之矣

辯剖中理德刑之用不同奇

蒼龍東宮玄武

史記天官書載之

卷星十一

昂。至今猶然。其占三年。天子大破旄頭之國。蠕蠕高車旄頭之衆也。願陛下勿疑。後破蠕蠕果如浩量。三旬。天官書載之。

北齊書。陳將吳明徹來寇。帝勅尉破胡等出援秦州。令王琳共爲經略。琳謂所親曰。今太歲在東南。歲星居斗牛分太白巳高。皆利爲客。我將有喪。破胡軍果大敗。隋書崔仲方上書論取陳之策曰。臣謹按晉太康

元年。歲在庚子。晉武平吳。至今開皇六年。歲次景

午。景即丙。避諱改也。合三百七載。春秋寶乾圖云。王者三

百年一蠲法令。三百之期。可謂備矣。陳氏草竊起

于景子。至今景午。又子午爲衝。陰陽之忌。晉史趙

有言曰。陳顓頊之族爲水。故歲在鶉火。以滅魯。昭

公九年。陳災禪竈曰。歲五及鶉火。而後陳亡。楚克

之。楚祝融之後也。爲火正。故復滅陳。陳承舜後。皇

朝五運相承。感火德。而王國號爲隋。與楚同分。楚

水能克火。而謂陳在鶉火。以滅者。蓋水絕。

于火。火亦絕于水。猶木絕于金。金亦絕于木也。

此先天定數。不以生克論。

論事亦切合。

是火正午為鶉火。亦為鶉首。申為實沈。酉為大梁。

既當周秦晉楚之分。若當此分發兵。將得歲之助。

以今量古。陳滅不疑。

舊唐書夏侯端知玄象。說高祖曰。金玉床搖動。此

帝座不安。參墟得歲。必有真人起于實沈之次。高

祖果應之。

又薛仁貴大非川之敗。歎曰。今年歲在庚午。軍行

逆歲。鄧艾所以死于蜀。吾知所以敗也。

宋史張永德明天文術。嘗與僚佐會食。有報遼兵

寇州境者。永德用太白萬勝訣占之。語坐客曰。彼

雖以年月便利乘金而來。反值歲星對逆。兵家大

忌。必敗。未幾折御卿捷報至。

附絕越外傳記軍氣篇云。一五九西向吉。東向敗

亡。無東。二六十南向吉。北向敗。亡。無北。三七十一

東向吉。西向敗。亡。無西。四八十二北向吉。南向敗

亡。無南。此其用兵。月數吉凶所避也。舉兵無擊

三氏兵法則更 卷之三 三

本以具游湖

言軍行旗幟用物之類

大歲止物。卯也。始各利以其四時制日。是之謂

也。向古西向。歟。無西四八十二。其前古商。向。如

太乙書中載五福五福四十

困學紀聞曰。嘉定中。日官言五福大一臨。吳允真

五年移一宮起。亂宮歷艮巽坤宮。周而復始。

文忠公奏。漢之肇造。以寬仁得民。而不在五星之

聚。井。晉之郤敵。以將相有人。而不在歲星之臨。吳

又云。歲星為陽。右行于天。太歲為陰。左行于地。十

二而小周。潘水云。歲星在天。歲陰在地。天官書曰。

歲陰在攝提格。歲星在星紀。歲陰在單闕。歲星在

玄枵。自嘉祐丁酉。驗之多差。近年尤甚。歲星常先

月餘。近年以來。常先一百二十餘日。愚考大衍曆

議曰。歲星自商周迄春秋之季。率一百二十餘年


而超一次。戰國後。其行寢急。至漢尚微差。及哀平

間。餘勢乃盡。更八十四年而超一次。

三氏云

三九

右此是海潮



古加丁

三十九
安星十五

